

KU TSHIKA HINKWASWO

 Mi nga tshamisa. A ndzi lava ku vula leswaku i madyambu lamanene eka hinkwenu. Hi tsakile kuva lahwani vusiku lebyi. Ntsena i nkateko lowukulu wa kuva kwalahawani, eka kereke leyintshwa leyi yi rhandzekaka, ku ta gandzela Hosi. Hi swi languterile leswi, leswi swi humaka lahwani, eka nkarhi wun'wana, eka nkarhi wa xinakulobye na vanhu, ni ku tiphina hi minkateko, ni ku tshembhela leswaku yi tava yi ri minkateko na le ka n'wina. Kutani tani hilaha vhiki ri nga sungula kuya emahlweni sweswi, nakona ha switiva leswaku khonivhexini yile kufikeni sweswi, yi ta sungula hi Wavumune.

² Nakona ntsena ndzi switwile ndzhengha wa namuntha, hi Makwerhu Williams, leswaku hi na ku hlamarisiwa ka kahle ka vusiku bya Wavumune. Makwerhu Oral Roberts u tava a ri na hina, ku ta vulavula, hi vusiku bya Wavunharhu. Sweswo swi tava swi ri leswi swi nga ta hi hlamarisa ngopfu hinkwerhu ka hina, hikuva Makwerhu Oral hakunene i xipikara xa matimba swinene. Nakona swi tava swi ri kahle ku n'wi vona, hi vumina, nakambe, ndzi tlhavula na voko ra yena.

³ Nakona vusiku bya tolo a hi ri eTempe, a Assembly of God, ndzi pfumela leswaku a yi ri yona, lahaya. Nakona—nakona hakunene hi vile na nkarhi wa kahle vusiku bya tolo a Tempe. Nakona hi vile na nkarhi wa kahle eka kereke yin'wana na yin'wana leyi a hi yi endzela lahwani endzhawini ya Phoenix, nakambe nale Tempe. Kutani ntsena ha swi amukela swinene swilo leswi, laha swi nga hi tikelaka ku swi hlamusela.

⁴ A swi talanga kuva ni kuma xinkadyana xo swi endla leswi, ntsena ku ta ndzi ta nghena vusiku byin'we eka kereke yin'wana na yin'wana, ndzi vulavula na vanhu na vamakwerhu va vavuli va rito. Kutani swi ndzi nyika nkateko nyana kuva ndzi kumeka ndzi hlamusela ku swi amukela ka mina eka vanhu lava, tidinominexini leti na mintlawa ya vanhu. Hikuva, swi hikwalaho, ka kuva va ri vaseketeri va mina lavakulu ehandle ensin'wini, emansin'wini mambe ni hinkwako, kutani hi ndlela leyi ndzi na maendlelo yo kuma xinkadyana xintsongo xa kuva ndzi hlamusela hilaha ndzi nga titwisa xiswona ha vona, hi ku swi amukela.

⁵ Nakona hi vile na leti titiyimelaka hi toxo na... ndza pfumela, church of God, Assemblies, na yin'wana na yin'wana; nakona, entsungeni wa malwandle, ku na Foursquare, church of God, Assembly of God, na ya Jesus Name. Kutani, hinkwato ka tona, ntsena ti tikomba ti ri na vun'we loko hi hlanganyela kun'we lahaya emasin'wini ya tinyimpi. Kutani, ma swi tiva, lahwani ekaya ku nga hava

na miehleketo leyi hi nga hambanaka eka yona, kambe loko swifika ensin'wini ya nyimpi, hikokwalaho ka yini, ku hava ku hambana kwalaho. Wa vona?

⁶ Ndzi kuriseriwe endyangwini lowukulu. A kuri na vana va khume. Kutani hina majaha a hi ta kumeka erivaleni halahaya endzhaku, kutani a hi kumeka hi ri karhi hi banana, oho, mina. Majaha ya nkaye, nhwana un'we, kutani a hi ta banana hakunene. Kambe a kuri hava na un'we wo antswa loyi a nga sukelaka un'we wa hina, kwalahaya arivaleni, hikuva, loko va nga sukelaka un'we, va ta kuma Vabranham va ta hi matlhelo hinkwawo. Swingaleswi ndzi ehleketa leswaku yaleyo i ndlela ya vana va Xikwembu, ku nga Kereke.

⁷ Lahawani eka malembe man'wana lava ya nga hundza, a ndzi ri eHouston, kutani a hi ri na nhlengeletano leyikulu. Na le ka... Ndzi vile na vaseketeri voohlaya kwalahaya; Makwerhu Raymond Richey, na—na ma Assemblies of God, na—na vanhu va Jesus Name, na hinkwawo vo hambanana. Kutani hi vile na nhlengeletano ya kahle. Kutani a hi ri eMusic House. Kunene, a hi ta tshama hi ri kwalomu ka nhungu wa magidi, ndza bvumbha.

⁸ Nakona a kuri na—na muministara wa Baptist loyi a lava ku ndzi tlhontla leswaku hi phikizana, hi Bibele, leswaku ku hanyisiwa loko Kwetsima a ku kahle. Kunene, a ndzi hetile swinene ha sweswo. Hikokwalaho ka yini hi lahlekeriwela hi vusiku byin'we eka un'we loyi a nga pfumeriki, loko kahari na magidi ya vona lava va nga tshama lahaya leswaku va ta khongeleriwa, ma swi vona? Swingaleswi u ta swi nghenisa a phepheni, leswaku ndza swi chava ku swi endla.

⁹ Kutani Makwerhu Bosworth wa khale, loyi a nga ekusuhi na malembe ya Makume nhungu hi vukhale, u teri, "Oho, u nge mina ndzi swi endla."

¹⁰ Kutani ndzi ehleketa hi Caleb, ma swi tiva, "U nge ndzi teka ntshava leyi." Swingaleswi ndzi ku, "Makwerhu Bosworth, a—a ndzi ku lavi u ba huwa. Kreste a nga swi lavi leswaku hina Vakreste hi belana huwa. Loko munhu a ngari mupfumeri, hikokwalaho ka yini, ntsena o va loyi a nga pfumeriki, hi swona hinkwaswo. Ku hava lexi u nga xi endlaka ha swona."

¹¹ Kutani hiloko a ku, "Kunene, i yini," a ku, "loko hi nga hanya, endzhaku ka loko va swi nghenisa sweswo ephepheni," a ku, "va ta vula leswaku hova ntsena ntlawwa wa, ma swi tiva, a va switivi leswi hi vulavulaka hi swona, ntsena nyanyuko lowu wu nga pfuka." U teri, "Ndzi navela loko u nga ndzi nyika nkateko." Nakona ndzi n'wi langutile loko a yimile lahaya, a ri kwalomu ka makume nhungu wa malembe hi vukhale, nakona ntsena a tshembhela eka Matsalwa ya lawa.

¹² Ndzi ku, "Kunene, Makwerhu Bosworth, loko u nga ndzi nyika voko ra wena u tlhela u ndzi tshembhisa leswaku a wu nge bi huwa."

¹³ U teri, “Oho, a ndzi nge bi huwa.” Swingaleswi u rhelerile hi switepisi, ku ya byela wa mahungu.

¹⁴ Nakona xivangelo, ma swi tiva hilaha maphepha ya nga swi hahisaka ha kona, wa vona. “Voya bya vufundhisi byi ta haha,” ma swi tiva.

¹⁵ Hi kumile stediyamu, rivala leri ri nga gandliwa, kutani hi vusiku byebyo hi vile na kwalomu ka makume nharhu wa magidi wa vanhu. Kutani swi yile ku ya kombisa lahaya, laha vanhu a va nghena hi swihaha-mpfhuka, switimela. Ndza mi byela, a va khandziyile tikamela ta lunda rin’we, tikamela ta malunda mambirhi, na tikamela ta malunda manharhu, kambe hinkwavo ka vona a va nwa eka xihlovo xexo laha xi nga na ndhawu ya hina hinkwenu, ku fana. Hinkwaswo a swi ri kun’we. Nakona swi fambile... Ntsena ndzi kumile minkateko leyikulu yo huma eka sweswo, ku ehleketa sweswi. Ma swi vona, laha hakunene ku karhala ku tako, a hi ri na nchumu wun’we ntsena kun’we, hinkwerhu a hi pfumela eka Moya lowo Kwetsima na ku hanyisiwa loku ko Kwetsima. Swingaleswi un’wana na un’wana a nghena ku ta nyika xiave xa yena.

¹⁶ Kutani swingaleswi ha switiva leswi swi nga humeleta vusiku byebyo, hilaha Moya lowo Kwetsima wu nga teka ku yisa emahlweni ha kona. Kutani kwalaho hilaha Ntsumi ya Hosi yi nga xika. Va tekile xifaniso xa yona. Kutani—kutani xi sukile lahaya xi ya eWashington D.C., ku ya tiyisisa. Kutani, endzhaku ka sweswo, xi langutiwile hi vakamberi na van’wana. Kutani George J. Lacy, nhloko ya FBI, u tsarile dokhumente eka—eka xona. Nakona hi yena nhloko eka ndzawulo ya migandlazo ya ntitiyo ya—ya FBI. “Hakunene a xi ri Xivumbiwa lexi xi nga riki xa ntumbuluko. Layiti yi bile lense. A yi ngari sayikholozi.” U teri, “A ndzi tolovele ku vula leswaku tinhengeletano ta wena i ta sayikholozi, na tona. Ndzi ehleketa leswaku u hlaya miehleketo ya vanhu lava.” A ku, “Kambe tinhlo ra mekhenikhali ra khamera ri ngaka ri nga teki sayikholozi, Nkul. Branham. Ri bile lense.” A ku, “Ri kona lahwani.”

¹⁷ Swingaleswi, kutani, Xi tekiwile. Xi tekiwile ku nga se va na sweswo, na minkarhi yo tala endzhaku ka sweswo. Ntsena, ndzi khensa ngopfu ku swi tiva. Vanhu votala lahwani va xivonile xifaniso xexo. N’wina a mi xivonanga xana? [Nhlenegeletano yi ku, “Amen.”—Muhleri.] Ndza bvumbha, oho, votala va n’wina mi na xona. Ndzi tsake ngopfu ku swi tiva sweswo.

¹⁸ Hambi loko mpfhumba ra tikereke ta ximoya ri fambaka eka siku leri ro hetelela ku vulavuriwile hi swona, kambe, ndza mi byela, hi ku teka matimu ya Bibele...

¹⁹ Ntsena ndzi hetile hi—hi matimu ya kereke, eka malembe yo hlaya lawa ya nga hundza, kusukela eka rifu ra muapostola

wo hetelela, Yohana, a xihlaleni xa...loko a ta siya Xihlala xa Patmos, kutani a ta a ta nghena a—a hetisisa ku tsala Tibuku ni ku Tiveka kun'we. U humesiwile lahaya hikuva a ri eku tekeni ka Mintsalo ya vaapostola a endla Bibele ha Yona. Kutani sweswo hi swona swi endleke leswaku ayisiwa a Xihlaleni xa Patmos. Endzhaku kaloko va n'wi byabyisile endzeni ka girisi nhlikanhi ni na vusiku, kutani va n'wi veka a xihlaleni. Kutani hiloko a hlanganisela Tibuku kun'we. Kutani endzhaku ka sweswo, Xikwembu xi n'wi nyikile Buku yo hetelela ya Bibele, yi nga Nhlavutelo.

²⁰ Kutani loko a vuya, ndzi sungurile hi matimu ya yena kwalahaya, kutani ku ya fika eka...un'wana wa valandzeri va yena, Polycarp, Ignatius, na votala va vona, ku rhelela ehansi eka Martin, Irenaeus, Justus, Saint Columbus, kuya ehansi, ku ya fika eka nguva ya munyama, na kuya ehansi, ku ya fika eka—eka Lutheran, na Wesley.

²¹ Kutani hi ta hi ta kuma sweswo, hambi kuri kusukela hi masiku ya vaapostola, eka hinkwayo mintirho leyi ya kahle ya Moya lowo Kwetsima, ku hava na un'we wa vona loyi a hatimaka ehandle eka mpfhumba leri ro hetelela ra Hosi, lahawani emasikwini lawa yo hetelela. A hi swi tekeli enhlokweni, vanghana. Ku na swilo leswi swi tekaka ndhawu sweswi leswi swi nga kambisisaka Xikwembu, tani hi xifaniso xexo xa—xa Kreste, xona lexi xi nga na hina, lexi va pfumalaka switirhi swo xi endla, emasikwini ya vona. Kambe sweswi munhu u ringeta ku kuma swin'wana, ku susa eka Xikwembu, nakona Xikwembu xi teka ku vuyeriwa kwaloko xi ti khorwisa xona N'winyi ha kona. Swingaleswi swi ntsena... A mi nge swikoti ku kumeka emahlweni ka Xikwembu, hikuva hi lexi Xi nga na matimba hinkwawo, lexi xi tshamaka xi ri kona, lexi xi ngariki na makumu. Ku hava ndlela yo fambela ekule na swona. Ntsena ho titsongahata ni kuva hi Xi tirhela, i nchumu wo antswa lowu ndzi wu tivaka ku wu endla.

²² Ndzi na tingana, kambe a ndzi pfumeli leswaku ndza ri tiva vito ra mufundhis, lahawani ekerekeni. Ndzi... [Makwerhu Griffith a vula vito ra yena—Muhleri.] Makwerhu Griffith, hakunene ndzi tsakile ku hlangana na wena, makwerhu, na nkarhi wo ta lahawani na xinakulobye lexi, ku tava na wena, ku...

²³ Minkarhi hinkwayo hi lava ku swihlamusela hi ndlela ley, eka vona lava va tshamaka a Sunnyslopes, hikuva hi vaendzi lahawani, valuveri. Hi vula leswaku leri a hi kaya ra hina. Hi mbewu ya Abraham, "Hi langutele Doroba laha Muaki na Muendli ku nga Xikwembu."

²⁴ Leri i tiko ra kahle. A ndzi ehleketi leswaku ku na rin'wana ro kotisa rona, a ndzi se tshama ndzi ri vona. Ni fambe ekusuhi na tiko rin'wana na rin'wana ra kahle amisaveni, nakona a ndzi

kalanga ndzi vona nchumu eEurope, Italy, Asia, hinkwako eka Orients, leri ri nga tshama ri pimanisiwa na Phoenix, Arizona. Sweswi, hi swona sweswo. I ndhwau ya kahle swinene leyi ndzi nga se tshamaka ndzi yi vona. Kambe, oho, yi ta languteka kukotisa phaseji, eka tlhelo leri ri nga tava eka Miliniyamu lowukulu. Swingaleswi hi—hi . . .

²⁵ Leri a hi rona kaya ra hina. Ho va ntsena vaendzeri lahawani, nakona hi ta hi tava na xinakulobye lexi kun'we.

²⁶ I minkateko eka mina kuva ndzi ri lahawani ni ku vona kereke ya Xikwembu yi humeleta, muako lowuntshwa, ni kuya emahlweni. Xikwembu a xi mikatekisi n'wina vanhu! Tshembhekani eka Kreste. Tshamani mi tshembhekile eka mufundhisi, mi tlhela mi tirha kun'we, un'wana na un'wana xandla ehenhla ka xin'wana, hikuva ndzi pfumela leswaku ku Vuya ka Hosi ku kusuhi.

²⁷ Sweswi, loko ntsena hi nga se tshunelela Rito, a hi tshuneleleni Mutsari hi xikhongelo, loko ha ha korhamisa tinhloko ta hina ntsena xinkadyana.

²⁸ Ntsena loko hi nga se khongela, loko ma ha korhamisa tinhloko ta n'wina na timbilu, ku ngava kuri na xikombelo xa xikhongelo, nakona u nga xi tivisa hi ku tlakusa mavoko ya n'wina, ntsena etimbilwini ta n'wina mi na xilaveko xa swin'wana, kutani mi ku, "Hosi Yesu, ndzi tsundzuki"? Hosi yi vona voko rin'wana na rin'wana. Ndza pfumela.

²⁹ Tatana wa hina wale Matilweni, hi tsakile hikokwalaho hi Ku vitanaka "Tatana," Mutumbuluxi lonkulu wa matilo na misava, Elohim lonkulu, El-Shaddai, Munyiki wa Ntamu, Muphameli, Loyi a enetisaka. Nakona ha N'wana loyi a nga wa Wena loyi u n'wi rhandzaka, U hi byerile: leswaku loko hi nga ta eka Wena, hi ta kombela swin'wana na swin'wana, hi ri karhi hi tirhisa Vito ra Yena, leswaku U ta swivona leswaku hi nyikiwile swona. Kutani, Tatana, ha pfumela leswaku swi le ka swipimelo. Loko hi nga kombela swin'wana leswi swi nga hoxeka, a hi ngevi na rona ripfumelo ro pfumela leswaku swi ta hlamuriwa. Kambe loko hi nga kambisia timbilu ta hina vusiku lebyi, a hi kombeli nchumu lexi xi nga hoxeka, kambe leswi swi nga lulama, leswi swi nga, leswaku U ta hi rivalela vudyoho bya hina hinkwabyo na vubihhi, hikuva i ntiyiso, Hosi, walowo i nchumu wo sungula.

³⁰ A hi le ku ringetenka ku nghena eka Vukona bya Wena na vudyoho lebyi byi nga ehenhleni ka hina. Swingaleswi, hi ku tiva leswaku, siku rin'wana na rin'wana, makhombo na swin'wana leswi swi tshamaka eka hina, leswi hambi kuri ku swilemuka hi nga taka hi nga swilemuki eka ku ehleketa loku ku nga eka hina, kambe, loko hi ta hi ta ehleketa hi Xikwembu lexo kwetsima, Lexi hambi kuri Tintsumi ti nga thyaka emahlweni ka Xona, kutani ha switiva, Hosi, leswaku

hi hava hambi xinkadyana handle kaloko hi ta hi Ngati ya Yesu Kreste, kutani hi vana va Xikwembu. Swihoxo swa hina swi langutisiwile nakambe, tani hiloko hi swivula.

³¹ Kutani ndza khongela, vusiku lebyi, Tatana, leswaku U ta katekisa nhlengeletano leyi yi nga yimisa mavoko ya yona. U tiva leswi swi nga endzhaku ka mavoko lawa: mianakanyo, ku navela, na—na nhlohlotel na mavonelo yo yimisa. Ndza khongela leswaku U ta nyika un'wana na un'wana xikombelo xa yena.

³² Kutani sweswi, Tatana, hi khongeleta kereke leyi. Hi tsakile swinene, leswaku, ndhawu leyi. Loko hi hlaya endzhaku eka masiku ya khale, laha Vakreste a va vengiwa swinene, laha a va nga swikoti hambi kuri kuva na kereke. Leswaku, a va swerile swinene, a va nga ta swikota ku aka yin'we loko a vari na yona, ni ku vona leswaku kumbe vari na nkateko wo va na yona. Kutani sweswi, namuntlha, ku vona swa kahle, switrakchara swa kahle leswi swi yaka ehenhla, swo basa, laha vanhu va nga kona, va nga ha nghena va ta gandzela Xikwembu. Hi khensa ngopfu ha leswi. Na gandzelo leri, vanhu, na ku humesa ka vona vukhume na minyikelo na—na nhlengo, ku akile yindlu leyi ya Hosi.

³³ Sweswi, Tatana, Xikwembu, ndza khongela leswaku U ta katekisa mufundhisi wa yona, madiyakoni ya yona, matrasti ya yona, na xirho xin'wana na xin'wana lexi xi taka lahawani. Leswaku yi nga ha kula, na ku kula, na ku kula. Kutani i ngaku, kusuka eka kereke leyi, ku sungula mpfuxelelo wa fexeni ya khale lowu wu nga ta kukula nkova, hinkwawo na hinkwawo. Leswaku ku nga hava na masingita na swihlamariso swi ta swi huma eka kereke ya leyi, swa ku hanyisiwa, ku ponisiwa. Leswaku yi nga hava yindlu ya rivoningo eka tiko hinkwaro. Hi nyike swona, Hosi.

³⁴ Leswaku, kusuka eka ndhawu leyi, ku famba swichumayeri swa kahle, majaha, ku vitana ka Xikwembu evuton'wini bya vona, kuya emasin'wini ya timixinari, hinkwako laha va nga vitaniwaka kona. Hi nyike swona, Hosi.

³⁵ Kutani vusiku lebyi, loko ha ha hlengeletanile kun'we, leswaku Moya lowo Kwetsima wu nga ha ta, wu nghena eRitweni, kutani ntsena wu byala Mbewu eka mbilu yin'wana na yin'wana leyi yi nga lahawani. Leswaku hina hi ripfumelo hi nga ha Yi cheleta, nhlikanhi na vusiku, kufikela laha Yi kulaka eka minsinya ya kahle eka ku kwetsima ka Xikwembu.

³⁶ Hanyisa munhu un'wana na un'wana loyi a vabyaka, Hosi, loyi a nga lahawani vusiku lebyi. Ponisa munhu un'wana na un'wana loyi a nga lahleka. Vuyisela hinkwawo lava va nga wa. Kutani pfuxeta u ta ta lava va nga tshama va tatiwa. Hi nyike swona, Hosi, ha swi kombela leswi hi Vito ra Yesu Kreste, N'wana wa Wena. Amen.

³⁷ Sweswi, ndzi hlwerile nyana, tani hi ntolovel. Swi hundzile nyana lahawani madyambu lawa tani hilaha a ndzi swilanguterise xiswona.

³⁸ Kutani swingaleswi hi hina lava, vusiku bya mundzuku, endzhawini yin'we. Ndza bvumbha leswaku va swi tivisile. Kutani sweswi, loko mi ri na kereke leyi yi nga ya n'wina kereke lahawani, vusiku bya mundzuku, mi nga ti. Kambe loko mi ngari na kereke, hi ta tsaka kuva na n'wina. Minkarhi hinkwayo hi lava vanhu lava va nga ta tshama eka ntirho wa vona, swi nga khathaleki. Loko kereke yi pfuriwa, socha rin'wana na rin'wana ri fanele kuva eka rhenke ya rona nale ka ndhawu ya rona.

³⁹ Kutani swingaleswi hi lahawani hi ku vhaka ni kuva na nkarhi wa kahle, ntsena ku nga si va na—na khonivhexini ya Business Men. Kutani tani hilaha ndzi nga tivisa, Makwerhu Roberts u tava lahawani ku ta pfula nhlengeletano, ya vusiku bya Wavumune. Hi ta tsaka ngopfu ku hlangana na Makwerhu Roberts. Nakona ndzi ehleketa leswaku, kumbexani hi Wavuntlanu, Makwerhu Velmer Gardner u tava a ri lahawani. A ndzi tivi loko a ta vulavula vusiku byebyo, kumbe a nga vulavuli.

⁴⁰ Nakona ndzi ehleketa leswaku swi longoloxiwile eka mina, kuva kwalahaya mixo wa Mugivela, eka ku fihlula. Nakona loko hi leswaku i ku rhandza ka Xikwembu, nakona kuva mina ndzi vulavula hi Mugivela ni mixo, ndzi ta teka tsalwa, loko swikoteka, loko kuri ku rhandza ka Xikwembu: *Munhu Loyi A Tihamuselaka Loyi Ndzi Nga Se Tshamaka Ndzi Hlangana Na Yena*. Swingaleswi, kutani—kutani swingaleswi, hi ndzhenga wa Sonto, ndzi ta tlhela ndzi vulavula nakambe. Swingaleswi loko mi nga . . . Sweswi, hi Mugivela na mixo, a ku ngevi na kereke, tani hilaha ndzi switivisaka xiswona. Na hi Sonto na ndzhengha a ku ngevi na kereke, tani hi laha ndzi switivisaka xiswona.

⁴¹ Sweswi, ndzi nga se sungula, ndzi rivarile leswaku ndzi na . . . Ee. Ndzi pfumela leswaku Billy u swi vurile sweswo u phakerile hi vunyingi makhadi ya xikhongelo. A hi swona xana? Xana kuna makhadi lawa ya nga phakiwa vusiku lebyi lahawani xana? Kunene, u phakerile xiphemu xa wona, eka kereke leyin'wana, vusiku bya tolo, hikuva a—a ndzi khomeleta vanhu nkarhi wo leha.

⁴² Ndzi wa maendlelo yo chumayela nkarhi wo leha, ntsevu kumbe nhungu wa tiawara, swin'wana swo kotisa sweswo, nkarhi wun'wana, loko ndzi ri na mbanga. Sweswi, a ndzi tivi . . . Vusiku lebyi, a ndzi na xikongomelo xo chumayela hafu ya sweswo. Ntsena . . . Swingaleswi a ndzi ehleketa leswaku hi phakerile makhadi ya xikhongelo, kutani hina . . . mi nga ha ya ekaya exikarhi xa vusiku, hi ndlela yin'wana, swingaleswi endzhaku kaloko hi vile na layini ya xikhongelo. Swingaleswi,

loko kuruku i hafu ya sweswo. Nakona a ndzi tivi ngopfu, kambe swa leha eka mina ku vula leswi ndzi swi tivaka. Swingaleswi, leswi ndzi swi tivaka, ndzi rhandza ku swivula kahle, ntsena ndzi ti tekela nkarhi wa mina ha swona, ma swi tiva. Swi kahle. Ntsena a ndzo vungunya lahaya, hikuva ndzi—ndzi ta ringeta ku huma, eka timinetse tin'wana ta makume mune-ntlhanu, kumbe swin'wana, ku ya eka layini ya xikhongelo.

⁴³ Ntsena ndzi na mantsongo, Matsalwa man'we lahawani vusiku lebyi ndzi lavaka ku mahlaya, kutani ndzi teka tsalwa, nakona ndza khongela leswaku Xikwembu xi ta ma katekisa. Loko mi lava ku ya hlaya loko mi fika ekaya, ya le ka Marka, kuavanyisa ka vu10 na vthese ya vu28.

Kutani Petro a n'wi byela, a ku: Vona, hina hi tshikile hinkwaswo, hi ku landza.

⁴⁴ Sweswi, ndzi tsakela ku teka tsalwa, ku aka mongo nyana kwalahaya, wa ku: *Ku Tshika Hinkwaswo*. Kutani, hi swinkadyana swintsongo, hi ta khongeleta vavabyi. Kutani sweswi, n'wina lava mi fambelanaka na Marka, kuavanyisa ka vu10, masungulo ya swona. Ntsena... Yesu a ri eku vulavuleni, eka leswi nga hundza, hi ku tshika nsati.

⁴⁵ Nakambe A ri na nchumu lowu wu baka wu nga ta humelela. A kuri na jaha loyi a nga ta eka Yena hi ku tsutsuma, a ku, “N'wini wa kahle, xana ndzi nga endla yini leswaku ndzi va na Vutomi lebyi nga Heriki xana?”

Kutani A n'wi byela leswaku, “Hlayisa milawu.”

⁴⁶ Jaha ri ku, “Ndzi swi endlile leswi, kusukela evuntshweni bya mina. Kumbe, a yi ri milawu yihi?” Kutani A n'wi byela yona. Kutani a ku, “Ndzi swi endlile leswi.”

⁴⁷ A ku, “U xota nchumu wun'we. Loko u lava kuva na Vutomi lebyi nga Heriki, kuva la hetisekeke, kutani xavisa leswi u nga na swona kutani u swi nyika swisiwana. Rhwala xihambano xa wena u Ndzi landza.”

⁴⁸ A hi landzeleriseni jaha lero xinkadyana nyana hi nga se nghena eka tsalwa, ku nyika masungulo.

⁴⁹ Sweswi, ma swi vona, jaha rero ri komberiwile ku tshika hinkwaswo, kambe u arile ku swi endlile. Kutani nkarhi wun'wana loko hi nghenisa ku humelela na rifuwo, na kuya emahlweni, “ku humelela,” kambe jaha leri ri humelerile ra ha ri jaha nakona hambi swi ri tano a ri hava Vutomi lebyi nga Heriki. Swingaleswi, minkarhi yin'wana, ku humelela minkarhi hinkwayo a swivuli leswaku i minkateko yo huma eka Xikwembu.

⁵⁰ Kambe a hi n'wi landzeleriseni. Ha n'wi kuma lahawani sweswi eka vuntshwa bya yena, a ri lontsongo, nkarhi wun'wana wa malwandla, a ri lontsongo, nakulorhi wo ambala kahle. Bibeleyi teri, leswaku, “Yesu a n'wi rhandza.”

A nga hava a ri na ro saseka, ra kahle, ripfalo ro hlayisa. A nga hava a ri—ri un'wana wa kahle, kumbe a nga ta wina ku navela ka Hosi Yesu. Hikuva, loko Yesu a n'wi languta, “A n'wi rhandza.” A nga hava a vile na maendlelo yan'wana ya nhlamuselo, ni kuva a languteka kahle, njhingha yo basa, jaha ro yimeka kahle. Kutani a famba a ya eka Yesu, nkarhi wun'wana hi ku ehleketa, hi ku tshembheka, kutani a ku, “Ndzi tsakela ku switiva leswaku ndzi nga endla yini leswaku ndzi va na Vutomi lebyi nga Heriki.”

⁵¹ Kutani loko a ha fanele hi ku famba ni leswi a nga swi twa, swa kuva na Vutomi lebyi nga Heriki, kutani xivutiso a xi ri enyangweni, hambi u ta swikota. Kutani xivutiso xexo xi le mahlweni ka un'wana na un'wana wa hina. Kutani Yesu hakunene u n'wi komberile ku tshika hinkwaswo leswi a ri na swona, a ti tekela xihambano xa yena, kutani a N'wi landza. Nakona ha xitiva xitorhi lexi. “U fambe a ri na gome, hikuva a ri na rifuwo lerikulu.”

⁵² Hiloko Yesu a hundzuluka, a ku, “Swa tika kuva xifumi xi nghena eka Mfumo wa Tilo, swikotissa kamela kuva yi nghena hi mbhovo wa nereta. Kambe sweswo swi ngaka swi nga endleki eka vanhu, kambe,” U teri, “a ku tsandzi nchumu eka Xikwembu.”

⁵³ A hi landzeleleni jaha leri ra mufumi. Hi nkarhi lowu wu landzelaka ha n'wi kuma, eBibeleni, a nga kalanga...loko ntsena a ha ala nkateko wa ku landza Yesu, loko swi tava swi andlariwile eka yena wo nonohwa hakunene.

⁵⁴ Ma swi vona, hi lava ku khomelela eka hinkwaswo leswi hi nga swikotaka, kutani hi landzelela Yesu. Kambe nkarhi wun'wana Yesu u hi lava hi chucheka eka hinkwaswo, swingaleswi hi khomelela hi mavoko ya ri yambirhi eka Yena. Nkarhi wun'wana hi ehleketa sweswo, ntsena hikokwalaho ka—ka kuva hi khomelerile.

⁵⁵ Swi ndzi tsundzuxa hi nchumu wun'wana ndzi talaka ku wu vula, eka swinhwenyetani swa mina swimbirhi. A va hari vantsongo sweswi, va le ka xiyimo xa kahle sweswi xa vunhwana. Kambe, loko va ha ri lavantsongo...Un'wana wa vona i Rebekah; hi yena lonkulu. Kutani, Sarah, hi lontsongo nyana. Kutani Becky u na mahlo ya wasi, kutani Sarah u na ma buraweni. Kambe havumbirhi i vanhwana va papa un'we, ma swi tiva. Kutani swingaleswi va rindzela ku vona loko ndzi vuya ekaya, kutani minkarhi hinkwayo va rhandza ku ndzi vona. Nakona Becky u na maendlelo ya...u kome nyana, nhwana wa nhlonge yo vonikela. Kutani Sarah hi lontsongo, wo koma nyana, nakulorhi lontsongo swinene.

⁵⁶ Kutani swingaleswi a va ndzi rindzerile loko ndzi vuya ekaya, vusiku byin'wana. A ndzi ri ekule etihlengeletanwini, nakona a va switiva leswaku ndzi ta vuya, swingaleswi ntsena

va rindzerile nyana swintsongo. Kutani loko ndzi vuya ekaya, va lava ku ndzi vona. Kunene, munhu wa sava a nga hava a va haxile hi sava emahlweni ya vona, kutani vakumeka va khuzechela. Kutani ekuheteleleni va ya eku etleleni, ekamareni ra vona.

⁵⁷ Nakona ndzi kumeke ndzi fika ndzi hlwerile. Swingaleswi ndzi nghena, ndzi karhele swa mampela, ndzi ya eku etleleni. Kutani endzhaku ka tinhlenegetano, na kuya emahlweni, ndzi kumeka ndzi karhale ngopfu ndzi nga etleli, endzhaku ka mavhiki mantsongo ya hlengeletano. Nakona ndzi etlela kwalomu ka tiawara timbirhi kumbe tinharhu, ndzi pfuka, ndzi ya nghena—nghena ekamareni ro tshama eka rona, ndzi ti tshamela ntsena exitulwini. A ndzi tshamile kwalahaya exitulwini, ka ha ri mixo swinene.

⁵⁸ Kutani endzhaku nyana, Becky a hundzuluka, ekamareni ra yena ro etlela kona, kutani a swivona leswaku rixile. Kutani a languta ehandle hile holweni, hiloko a ndzi vona ndzi tshamile lahaya exitulwini. A ku bulumuki a mubedweni a ta, ntsena hi ku tika hilaha a nga kota hakona, yena lontsongo, wa nhlonge yo vonikela, wa milenge yo leha yo xifikelela.

⁵⁹ Kunene, sweswo—sweswo swi cemisile Sarah. Kutani a ndzi switivi loko vana va n'wina va swi endla sweswo, kumbe va nga swi endli, kambe, mina, loko u khome swin'wana swa lonkulu, kutani loyi wa vumbirhi a teka voko ra mina a ri yisa ehansi. Nakona Sarah a ambarile tibijama ta Rebekah, a tilehile amilengeni, ma swi tiva, nakona a yi ri yi kulu eka yena. Kutani, yena, a pfuka emubedweni a ta, na milenge ya yena leyi a yi ri eku haheni. Kutani hiku tlatlambela a lava ku tlakuriwa na Rebekah.

⁶⁰ Swingaleswi Rebekah a n'wi ba a n'wi bela mina. Hiloko a tlulela ehenhla leswaku ndzi n'wi korhamela, a ri karhi a hoxetela mavoko ya yena eka mina, ntsena maendlelo ya... A ri eka tsolo ra mina ra xinene, kutani milenge ya yena yo leha yi kandziya ehansi. A va a balansile kahle.

⁶¹ Swi hi maendlelo yo ndzi tsundzuxa swin'wana swa minhlangano leyikulu yo sungula, ma swi tiva, leyi yi taka. Ma swi tiva, a va ri kwalahawani nkarhi wo leha, maendlelo ya milenge yo leha, na kuya emahlweni, ku balansa ka kahle swinene.

⁶² Kutani lahawani ku ta Sarah, lontsongo, kerekere leyintsongo, ma swi tiva, leyi yi nga taka yi nga humi nkarhi wo leha. Kutani a va na maendlelo yo vona leswaku Becky u n'wi bile—u n'wi bile lahaya.

⁶³ Swingaleswi Rebekah a ndzi vukarha hi mavoko ya yena. A halahala. A ku, "Sarah, sesi wa mina, ndzi lava leswaku u tiva nchumu wun'we." A ku, "Hi mina ndzi nga rhanga ku fika." Hiloko a ku, "Ndzi teke hinkwaswo swa papa, nakona ku hava lexi xi nga ku salela." (Va ringeta ku hi byeda sweswo,

ma swi tiva, nkarhi hinkwawo.) A ku, “Hi mina wo rhanga ku fika lahwani, nakona ndzi na hinkwaswo swa papa, nakona ku hava lexi xi nga ku salela.”

⁶⁴ Sarah lontsongo wa xisiwa u ta govela nhloko ya yena ehansi. A sungula ku debyisa xinon’wana xa yena. A sungula ku famba, na mihloti eka mahlo ya buraweni lamakulu. Na Becky a khegetele nhloko ya yena ekatleni ra mina, hi maendlelo yo ndzi haka.

⁶⁵ Ndzi tekile rintiho ra mina ndzi ri yisa tani hi *sweswo*, eka Sarah, kutani ndzi susa nenge lowun’wana. Hiloyi a taka, a tlulela eka nenge lowun’wana, kutani, hikokwalaho ka yini, a—a—a nga swikoti ku ti balansa hi yexe. Swinengani swa yena a swi nga swikoti ku fikeleta ehansi. Kambe a ri enengeni, hi ndlela yin’wana. Wa vona? Swingaleswi a ri karhi a deya tani hi *sweswo*.

⁶⁶ Kunene, ku n’wi sivela leswaku a nga wi, ntsena ndzi lo teka mavoko havumbirhi ka wona ndzi ma veka kun’we kutani ndzi ma veka ya n’wi rhendzela, tani hi *sweswo*, ku n’wi khoma. Nakona a ndzi n’wi khomile a va ekusuhi na mina, kutani a tiseketela hi xihlokwana xa yena lexintsongo eka mina swintsongo.

⁶⁷ U pfukile a langutisa Becky, kutani a ku, “Sweswi, Rebekah, sesi wa mina,” a ku, “Ndzi lava ku ku byela swin’wana, na wena.” A ku, “Swi nga hava swi ri tano leswaku u na hinkwaswo swa papa, kambe ndzi lava leswaku u switiva leswaku papa u na hinkwaswo swa mina.” Swingaleswi hi swona sweswo.

⁶⁸ Swingaleswi swi hi ndlela leyi hi swilavisaka xiswona. A hi lavi... Hi N’wi lava leswaku a va na swa hina hinkwerhu. Swingaleswi, kutani, eka hinkwaswo, ku swi endla, ntsena hi fanele ku huma lahaya hi ripfumelo ni ku N’wi pfumela, hi swona sweswo, ni ku tshembha ntsena. Hi ngaka hi nga swi hlamuseli. Ku hava ndlela yo swi hlamusela. Ho swi pfumela ntsena, kutani hi swi tekisa xisweswo.

⁶⁹ Jaha leri ra xifumi, a nga swikoti ku tinyikela eka Kreste yena hi yexe, kutani swingaleswi u fambele ekule. Kutani ha n’wi kuma, endzhaku, leswaku a ri... U humelerile swinene, kufikela laha switlati swa yena swi nga tala, kufikela laha a nge, “Moya, ti wiseli.” Oho, a humelerile, eka hinkwaswo. A ri na swotala, a nga pfumali nichumu.

⁷⁰ Kambe swin’wana swi tekile ndzhawu. Hi nkarhi lowu wu landzelaka ha n’wi vona, a tlakusa mahlo ya yena ari a tiheleni, lawa ya nga vona mukomberi ari ekule exifuveni xa Abraham. Sweswo swi hikokwalaho ka kuva a nga tsakeli ku tshika hinkwaswo, ku landza Hosi Yesu.

⁷¹ Kutani, loko leswi swi tava swi tekile ndzhawu, nakona jaha ra xifumi a nga swilavi ku tshika leswi ari na swona, ku landza Yesu, swi nga hava swi vile eka Petro na vurhonga. Ndzi

pfumela leswaku a kuri yena a nga vula swin'wana, kumbe ku vutisa xivutiso, a xivutisa. Kutani a ku, "Sweswi, hi tshikile hinkwaswo, leswaku hi Ku landza. Hi tshikile hinkwaswo. Languta leswi hi nga swi endla. Hi siyile makaya ya hina. Hi siyile mindyangu ya hina. Hi siyile misava ya hina. Hi siyile hinkwaswo leswi a hi ri na swona, leswaku hi Ku landza."

⁷² Swi sungurile kuva vurhonga eka yena. Nkarhi wun'wana a yisiwile ekule hi ntirho, a hlalela Kreste, na kuya emahlweni, leswaku a... A nga ha vanga na vurhonga eka yena, bya leswaku u siyile muti wa yena. U siyile ndyangu wa yena. U siyile tatana wa yena, manana wa yena. U siyile hinkwaswo leswi a ri na swona, ku landza Yesu.

⁷³ Kambe sweswo hi leswi Xikwembu xi swilavaka hakunene: tshika hinkwaswo u Xi landza. Xexo i xilaveko xa Xikwembu. Hi fanele ku swi endla na hina. Minkarhi yin'wana hi fanele ku tshika ku anakanya loku ku nga ka hina. Loko ku anakanya ka hina ka swin'wana ku hambana na Rito ra Xikwembu, hi fanele ku tshika ku ehleketa loku ku nga ka hina kutani hi N'wi landza. Nakona ndlela yin'we ntsena leyi hi nga N'wi landzelaka i ku landzela Rito ra Yena, hi Ri yingisa. Kutani xikombelo xa Xikwembu na swilaveko swa Xikwembu i ku va hi tshika hinkwaswo hi N'wi landza.

⁷⁴ Kambe hi ku endla sweswo, hi kuma leswaku, minkarhi yin'wana, hi fanele ku tshika vanghana va hina. Minkarhi yo tala i nchumu wo tika ku wu endla, sweswi, vanhu votala, loko va tava va tile eka Kreste ro sungula nakona va tatiwa hi Moya. Kumbexani, tani hi vavasati, va ri na muxaka wun'wana wa ntlhangu va yaka eka wona, vusiku *byin'wana na byin'wana* byo karhi, laha va dejaku muchayeni eka makhelwana. Va tolovelana na vamuganga hi—hi hinkwavo, na kuya emahlweni, na ku nghenelela eka tiklilaba tin'wana ta muganga, kutani va famba, va ya beja muchayeni. Kutani vavasati lava, ma swi tiva, u ta vula swin'wana ha swona. A va nge switwisisi. Kambe, hambi swi ri tano, u fanela ku tshika nchumu walowo, hikuva a swi kahle ku gembula, mi tlanga makarati. Nakona u fanele ku swi tshika sweswo loko u landza Kreste.

⁷⁵ Minkarhi yin'wana vavasati, etikerekeni ta hina, lava va tolreveleke ku ambala swiambalo swa vugangu, tani hi swokoma, na—na tidangara leti. Nakona Bibele yi teri, "I manyala eka Xikwembu, eka wansati ku ambala sweswo." Yena, a swi na mhaka ni leswaku u ehleketa yini, u ta fanela ku swi tshika sweswo. Minkarhi yin'wana hi kuma vavasati, loko va ta hi Ndlela va kumeka va ponisiwa, a va toloverile ku kerha misisi ya vona. Nakona va lava ku duma ku kotisa vunyingi bya misava. Kambe va kuma leswaku, i nchumu wo tika, hikuva va ta mi vitana va fexeni ya khale, hambiloko mi ya va na maambalelo yo kotisa Mukreste, mi va na maendlelo

yo kotisa Mukreste, mi hanya kukotisa Mukreste. Va ta mi vitana leswaku mi va fexeni ya khale, kambe mi ta fanela ku tshika hinkwaswo, mi N'wi landza.

⁷⁶ Yesu u teri, kumbe Matsalwa ya ri, "Loyi a rhandzaka misava, kumbe swilo swa misava, rirhandzu ra Xikwembu a ri kona eka yena." Hi swona. Swi teka, ku tshika hinkwaswo.

⁷⁷ Lahaya, loko u navela ku tshika hinkwaswo kutani u N'wi landza, kutani, "Loko mi tshama eka Mina, na Rito ra Mina ri tshama eka n'wina, mi nga ha kombela leswi mi swi lavaka kutani mi ta endleriwela swona." Kambe, a mi nge swikoti, hi ku tiva leswaku swilo leswi swi hoxekile. Ma swi tiva leswaku swi hoxekile.

⁷⁸ Bibele yi lwisana na swona: ku tlanga maphepha, ku zaha tisigarete, kunwa, ku ambala swiambalo swa vugangu. Kutani, swingaleswi, mi koxa leswaku mi Mukreste. Loko moyo lowu wu nga endzeni ka n'wina wu nga swi soli sweswo, kutani kuna swin'wana swi nga hoxeka hi moyo lowu wu nga endzeni ka n'wina. Hikuva, Xikwembu Lexi xi nga tsala Rito i Rito. Nakona Rito ri le ndzeni ka n'wina, nakona Ra mi avanyisa. Kutani swi fanele kuva tano. Kutani loko ri nga swi endli, mi va mi xisiwile. Swi nga endlekisa ku yini leswaku Moya lowo Kwetsima wu tsala swin'wana, kutani mi hundzuluka mi wu fularhela mi tlhela mi endla swin'wana swo hambana na Wona, mi tlhela mi ku Moya lowo Kwetsima hi wona wu mi fumbisaka? Mi ngaka mi nga swi endli. Swingaleswi, ku dzaha tisigarete, kunwa thothotho, ku tlanga maphepha, mi kerha misisi, mi ambala swo koma, hinkwaswo swilo leswin'wana, swi hoxekile, vudyoho lebyi nga hoxeka, nakona mi ngaka mi nga fiki helo ku kondza mi byi tshika.

⁷⁹ Byi kasela eka mampfhumba ya hina ya Pentekostal. Nyuman ka. Mi fanele ku khomiwa hi tingana. A swi hlamarisi loko hi ri hava mpfuxelelo wa misava hinkwayo. A swi hlamarisi loko hi ri hava mpfuxelelo wa ximoya. Swin'wana swi humelerile. Hi swona. Hi tshikile swo goga, na swilo leswi swi tekaka ndhawu leswi a swi nga fanelanga ku teka ndhawu. Swingaleswi mi boheka ku tshika hinkwaswo, mi landza Kreste.

⁸⁰ Mi fanele ku tshika vun'wina, mianakanyo leyi yi nga ya n'wina. Mi boheka ku hlangana na Rito ra Yena. Nakona swi ngaka swi nga humeleti leswaku Moya lowo Kwetsima wu tsan'wa Rito rin'wana leri wu nga tshama wu Ri vula. Nakona Bibele yi tsariwe hi Moya lowo Kwetsima. Bibele yi vule tano. Nakona loko... Marito ya Bibele i Xikwembu. "Ekusungulemi a kuri na Rito, nakona Rito a ri ri na Xikwembu, nakona Rito a xi ri Xikwembu. Nakona Rito ri endliwe nyama kutani ri tshama exikarhini ka hina."

⁸¹ Sweswi Rito ri tiendle Moya, wu tshama endzeni ka hina, "Hikuva Ndzi tava na n'wina, hambi ku tshama endzeni

ka n'wina, kuya fika emakun'wini ya misava, eku heleni ka yona." Sweswi, Xikwembu xexiya xi nga tsala Bibele xi le ndzeni ka n'wina. A ma ha ri n'wexe. Mi file eka swilo swa misava. Mi file eka mianakanyo leyi yi nga ya n'wina, na miehleketo leyi... "Miehleketo leyi a yi ri eka Kreste yi le ndzeni ka n'wina." Kwalahaya, kutani mi tshika hinkwaswo, mi N'wi landza. Ku ngari mianakanyo leyi yi nga ya n'wina; leswi Yena a swivulaka. "A hi ku rhandza ka Mina; i ka Wena, Hosi." Kutani u ta sungula ku fola na Rito ra Xikwembu.

Hi nga tshama kwalahaya nkarhi wo leha, kambe ntsena ndzi lava ku tsutsumela kun'wana emahlweni.

⁸² "Kambe," mi ri, "ndzi kuma yini kona, ku tshika hinkwaswo? Ku tshika hinkwaswo, xana ndzi kuma yini xana?"

⁸³ U nga ha langutela misava leswaku yi ku endla xihlekiso. U nga ha langutela misava kuva yi ku vitana hi minxaka hinkwayo ya mavito lawa ya nga xiximiki. Va ta ku vitana hinkwaswo leswi va nga ku vitanaka hi swona. U ta sandziwa ni ku aleriwa.

⁸⁴ Yesu, hikokwalaho ka kuva Yena a ri Emmanuel, Xikwembu xi tshama endzeni ka Yena, swi N'wi endle leswaku a nga ha twisiseki eka kereke leyi yi nga ya Yena n'winyi kufikela laha kereke leyi yi nga ya Yena n'winyi yi N'wi tsemaka tani hiloko A ha nghena. Hi van'wana lava va nga N'wi hayeka a xihambanweni. Hi van'wana lava va nga N'wi sola. A rhandza vanhu. Mbilu ya Yena hinkwayo a yi ri evanhwini. Kambe A fanele ku tshika hinkwaswo, hi ku endlela ku landza Xikwembu.

⁸⁵ Swingaleswi na hina hi fanele ku tshika hinkwaswo, hi ku endlela ku landza Xikwembu.

"Sweswi, ndzi nga kumeka njhani eka ku tlhelela xana?" A hi swi languteli.

⁸⁶ Minkarhi yin'wana ndzi ehleketa leswaku hina vaministara hi swi khavisa ngopfu hi swiluva eka—eka muhundzuki. "Oho, tana eka Kreste, hinkwaswo swa rhandzeka." Kambe, ma swi vona, a swi hi ndlela yaleyo, hi ndlela yaleyo, lava va vulaka leswaku hinkwaswo swi vevukaka eka bede ya swiluva. Hikuva, ku hava Mukreste....

⁸⁷ Bibele yi teri, "Hinkwavo lava va hanyaka hi vukhongeri eka Kreste Yesu va ta xanisiwa." Swingaleswi loko-loko mi nga ri ekuhluphekeni hi ku xaniseka hikwalaho ka Kreste, kutani ku na swin'wana swi nga hoxeka.

⁸⁸ Loko javulosi a ngari eku mi saleni hi le ndzhaku, i mi kumile. Hi swona hinkwaswo sweswo, hikuva ntsena loko a mi sale hi le ndzhaku, yaleyo yo va sayini ya ku kombisa leswaku a nge se mi khoma. Kambe loko a ngari eku mi saleni hi le ndzhaku, i sayini yo vula leswaku i mi kumile. Ina. Swingaleswi

ntsena tsundzukani, ntsena loko a ha mi bulusela, mo va na ku tlulatlula nyana kuntsongo emahlweni ka yena hambi swi ri tano, nakona ntsena wo tshamela ku ya emahlweni.

⁸⁹ “Kambe hinkwavo lava va hanyaka hi vukhongeri eka Kreste Yesu va ta xanisiwa.” U teri, “Tsakani, mi tsaka mi tsakisisa, hikuva va xanisile vona vaprofeta lava va nga mi rhangela.” Hi swona sweswo.

⁹⁰ Mi nge fambi na xikandza lexi xi nga languta ehansi, mi ku, “Kunene, a ndzi fanele ndzi nga swi endlanga. Ndza bvumbha, vona—vona, ntsena ndzi ngaka ndzi nga swi yimeli loko un’wana a vulavula hi mina, kutani a ku ndzi wa fexeni ya xikhale, ndzi *leswi, sweswo, kumbe swin’wana*.”

⁹¹ Oho, mi—mi ta tsaka mi tsakisisa, mi tsaka ha swona, hikuva mi ta byarha ku soriwa ka Vito ra Yena. Kutani hi ku hlayissa milawu ya Yena, swi mi endla leswaku mi swi endla sweswo.

⁹² Kambe ndzi lava ku vula leswi, nakambe. (Hi hatlisa, hi ku hatlisa tani hi laha hi nga ta kota hakona.) Xikwembu a xi nge swikoti, hi ndlela yin’wana, kuva exikweletini xa munhu un’wana na un’wana. Xikwembu xi ngaka xi nga nghanisiwi exikweletini hi munhu un’wana na un’wana. Loko u swi endlile sweswo ku endlela Xikwembu, tshika hinkwaswo, Xikwembu xi ta tlhela xi ku hakela hi swiyenge swa gidi. Hi swona. Xikwembu xi ta swi hakela. Mi tshika swilo swa misava, na misava, na swilo swa misava, nakona Xikwembu xi ta mi tlherisela xi mi hakela hi minkarhi yo tala.

⁹³ I vangani lava va nga timbhoni ta sweswo, kwalahawani vusiku lebyi? [Nhlengeletano yi ku, “Amen.”—Muhleri.] Kunene, hinkwerhu ha switiva leswaku Xikwembu xi ta tlhela xi hakela.

Sweswi a hi tekeni swimunhuhatwa leswintsongo ntsena lava va nga tshika hinkwaswo.

⁹⁴ A hi tekeni, xo sungula, tatana wa ripfumelo, Abraham. Abraham u tshikile tiko leri ri nga ra yena, nhundzu leyia yi fuma, na hinkwaswo. A vitaniwa a huma eKaldiya, a dorobeni ra Ur. Kutani u tshikile tiko ra yena, kaya ra yena, vanhu va yena, na hinkwaswo, kutani a landza Xikwembu. A fanele ku tshika hinkwaswo, a ti veka etlhelo. U tshikile tiko ra—ra yena, nhundzu ya yena eKaldiya, eUr. A tshika nhundzu ya yena, kutani Xikwembu xi n’wi nyika tiko hinkwaro ra xitshembhiso. Xikwembu xi n’wi hakerile hi ntswalo wo tala. Xi n’wi nyikile. Lahaya hi siku lero, loko Xi tava xi hlanganile na yena, Xi teri, “Pfuka, Abraham. Languta avuhuma-dyambu, n’walungu, a vupela-dyambu, a dzongeni. Ndzi ku nyika rona hinkwaro. Hinkwaro i ra wena.”

⁹⁵ Yaleylo hi yona mhaka na Vakreste vusiku lebyi. Xikwembu xi hi nyika swona, kambe ha chava ku swi lavisia. Loko u va Mukreste, u mudyi wa ndzhaka ya switshembhiso hinkwaswo eBibeleni. Hi swona sweswo. Hinkwaswo leswi Xikwembu

xi nga swi tshembhisa, i swa n'wina. Ntsena swi tani hi paseji ya kahle leyikulu, nakona hi Moya wuri wun'we hinkwerhu hi khuvuleriwela eka phaseji leyi, leyi yi nga Kreste. Kunene, loko mina . . . Loko un'wana a ndzi nyika swin'wana, ndzi ta languta hinkwako ku lavisia leswi ndzi swikolotaka.

⁹⁶ Ndzi ehleketa leswaku sweswo hi leswi Vakreste va fanelaka ku swi endla vusiku lebyi. Lavisia leswi u nga na swona. Loko swin'wana ntsena swi tlakuka nyana kuya ehenhla, leswi ndzi nga taka ndzi nga swi fikeleli, ndzi ta lava xitepisi ndzi gonya hi xona. Kutani loko swin'wana swi tikomba swi nga fikeleleki ngopfu, aBibeleni, leswi Xikwembu xi nga swi tshembhisa, ndzi ta tshama ematsolweni ya mina kutani ndzi gonya hi xitepisi xa Yakob kufikela laha ndzi swi fikelelaka, hikuva i swa mina. Xikwembu xi ndzi nyike swona.

⁹⁷ Loko ku hanyisiwa hi swa Ximoya swi tshembhisiwile a Bibeleni, nakona ndzi vabya, ndzi ta tshama kwalahaya kufikela laha Xikwembu xi ndzi nyikaka swona, hikuva i xitshembhiso. Xikwembu xi tshembhisile leswaku loko ndzi nga tshika misava, Xi ta ndzi nyika Moya lowo Kwetsima. Ndzi ta tshama kwalahaya kufikela laha Xi ndzi nyikaka Wona, hikuva Xi Wu tshembhisile. Loko Xikwembu xi tshembhisile ku ndzi nyika ku navela ka mbilu ya mina, nakona ku navela ka mbilu ya mina kuri ka kahle, ndzi ta tshama kwalahaya kufikela laha Xikwembu xi swi nyikaka, hikuva swi xitshembhiso. Nakona ndzi tshikile misava hinkwayo. Ndzi lava ku famba endzhaku ka Xona, nakona Xi ta hakela. Ndza switiva sweswo leswaku i ntiiyiso. Hi swona hakunene.

⁹⁸ Xana u endile yini? U tshikile misava ya yena, tiko ra yena. Kutani Xikwembu xi n'wi nyika xifundzha xa khale, kumbe hinkwaswo, tiko-nkulu hinkwaro ra . . . ra Palestine. U tshikile xiphemu nyana lexintsongo xa misava kwalahaya, kumbe ekere laha yindlu ya yena a yi tshame kona, na yindlu ya yena ya khale, ku ta amukela hinkwaswo lahaya leswi a swi ri ePalestine. Swa kahle.

⁹⁹ Kambe xosungula lexi a faneleke ku xi endla i ku tiava yena n'winyi. U tiavile eka vanhu va yena, hinkwavo varhandziwa va yena, lava a tihlanganisa na vona va khale lava a toloverile ku—ku rhendzeleka na vona, jaha ra le kaya leri a vari vanghana loyi a huma eBabilona, na yena, na vabuti va yena hinkwavo, va sesi, na vanghana hinkwavo lava a va tiva, lava a tihlanganisa na vona. Loko Xikwembu xi ta n'wi vitana, Xi teri, "Tiavi wena hi wexe arixakeni ra ka n'wina. Fambela ekule eka hinkwaswo swa swona." Sweswi, sweswo a swi tika, kambe u tiavile yena hi yexe eka vanhu va ka vona hinkwavo. Hikokwalaho ka yini? Hikuva a va nga pfumelelani na yena.

¹⁰⁰ Mi nga ha swianakanya loko va twanana? Kutani mukhalabya lahwani, wa makume nkombo-ntlhanu

wa malembe hi vukhale, na nsati wa malembe ya makume ntsevu-ntlhanu wa malembe hi vukhale, a ku, “Wa tiva leswaku i yini? Ndzi hlanganile na Xikwembu ehandle lahawani nakona Xi ndzi byerile leswaku ndzi tava na—na n’wana sweswi, ha Sarah.”

¹⁰¹ Hikokwalaho ka yini, vona, munghana wa yena wa dokodela, a nga hava a teri, “Mukhalabya u lahlekeriwile hi miehleketo ya yena.” Kambe khale a xavile swipereta na xinkumbana, na hinkwaswo, ku tilulamisela xona, hikuva a switiva leswaku u tava na xona. Hi swona. Ku hava nchumu ha swona. Hikokwalaho ka yini? Xikwembu xi swi tshembhisile. Hi swona. Kutani loko ntlawa walowo wa vanhu wu lava ku n’wi hleka ni ku ehleketa leswaku u lahlekeriwile hi miehleketo ya yena!

¹⁰² Va endlile mupfumeri un’wana na un’wana hi ndlela yaleyo. Hinkwato Timbewu ta Abraham a tiri na swo fana. Hi swona sweswo. Nkarhi wun’wana na kereke ya wena yi ta ku hlongola. Tiklilaba ta wena, tindhawu leti u—u kumekaka eka tona, xinakulobye eka vamuganga, valava u nga tolovelana na vona. Nkarhi wun’wana jaha ra murhandziwa wa wena kumbe nhwana wa murhandziwa wa wena u ta ku jikela. Kambe Xikwembu xi ku lava u tshika hinkwaswo, u Xi landza. Tshika hinkwaswo leswi swi hambanaka na Xona, kutani u Xi landza.

¹⁰³ Sweswi, Abraham, a tshika vanhu hinkwavo va yena, xana u kumile yini hi ku swi tlherisela? Ku landzele yini handle ka sweswo? U vile tatana wa matiko yo tala. Xikwembu xi n’wi endlile tatana wa matiko yo tala. Swintsongo leswi a nga swi sukela, kutani langutani leswi a ngava xiswona. Yesu u teri, “Loyi a nga ta tshika... Mina, u tava na vatatana, vamanana, na kuya emahlweni.” Langutani leswi Abraham a nga swikuma, hi ku tshika hinkwaswo a Xi landza. Ina, nkulukumba. “Tatana wa matiko lamo tala.”

¹⁰⁴ Kambe, xosungula, a fanele ku tiava yena hi yexe eka ku ka a nga pfumeli hinkwako, hambi kuri kutitimela ka yena, ku kufumela, makwerhu wa xirho xa kereke, Lot. A fanele ku ti tshika yena hi yexe, eka sweswo.

¹⁰⁵ Hinkwaswo leswi swi nga na ku ka u nga pfumeri eka swona, u fanele ku tiava wena n’winyi; hinkwaswo, loko kuri mikhuva, loko u ri ekerekeni, ni ku tshembhela ka n’wina hinkwako eka swona i mikhuva, nakona mi nga pfumeli Rito, nakona loko Rito ri hambana na... Mikhuva yi hambana na Rito, mi ta fanelia ku swi tshika sweswo. Mi ta fanelia ku tshika hinkwaswo.

¹⁰⁶ Nakona Xikwembu a xi kalanga xi n’wi katekisa Abraham kufikela laha a Xi yingisaka hakunene. Abraham u lavile ku teka papa wa yena a famba na vona, nakona mukhalabya a ri nhongani eka murhi wo tshungula, nkarhi hinkwayo. Ekuheteleleni, u file. Kutani, Lot, a kuri na mholovo na hinkwaswo. Kutani tani hiloko Abraham hi ku hetiseka

a amukerile Xikwembu a tlhelela a tiava hi yexe, na ku pfumelela Lot a rhelela ehansi lahaya ematikweni ya kahle, hinkwako laha a lava kuya kona, ehansi eSodoma, kutani Xikwembu xi humelela eka Abraham, kutani xi ku, “Tlakusa mahlo ya wena. Ndzi ku nyika nchumu hinkwawo.”

¹⁰⁷ Abraham hi un’wana loyi a nga tiava. Hi un’wana loyi a nga ava hinkwaswo, ku landza, ku landza Xikwembu. Nakona hi yena tatana wa Ripfumelo. Hi un’wana loyi a hi pfumela leswaku hi loyi a tshembhekeke. “Xitshembhiso xi endliwile eka Abraham na Mbewu ya yena. Kuva hi fele eka Kreste hi mbewu ya Abraham, vadya-ndzhaka na Yena kuya hi xitshembhiso.”

¹⁰⁸ Israel ri tshikile Egupta. Va tshikile misava ya khale kwalahaya eEgupta. Ku ta amukela yini xana? Palestine. A va ta va huma eka ndhawu yaleyo yo chavisa leyi yi nga lahaya eEgupta, ra vatirhisi.

¹⁰⁹ Nakona kuna vanhu votala namunthla, vanhwana lava nga lahawani exitarateni, va zahaka, va nwaka, tani hilaha hi swivoneke lahawani eka—eka xiya ni moya, siku rin’wana. Maphorisa lawa a ma fanele ku ta ma ta khoma ntlawa wa vanhwana lava nga lahaya, exitarateni, va na vuvarhi na moya walowo wa khale wa dimona, wu na vona leswaku va endla “booglie-woogie” yintshwa, hilaha va nga wu vitanisaka xiswona, nale handle lahaya axitarateni, va kumeka va penga emiehlekeweni ya vona. Wa vona? Hakunene, loko nhwana a ri na awunsi ya mikhuva leyinene ya yena, yena kumbe jaha, kumbe un’wana, nchumu walowo wu endla hi lava a va va tirhisa lava a va endla leswaku va endla sweswo.

¹¹⁰ Ma swi tshika sweswo, nakona Xikwembu xi ta mi nyika ncino. Oho, mina! Hakunene Xi ta swi endla. Xi ta mi nyika wun’wana, loko ntsena mi nga swi tshika sweswo. Kambe mi ta fanelia ku tshika hinkwaswo swilo leswi, leswaku mi wu kuma. Ntsena a wu nge swikoti ku ya emahlweni na ha vumbirhi bya yona.

¹¹¹ Xi kumile Palestine, Abraham u swi endlile, kumbe Israel ri swi endlile. Xi kumerile Palestine tiko. Va siyile tiko ra khale leri ri nga lahaya, nakona xi kuma Palestine, tiko leri ri khulukaka ntswamba na vulombe. Ina, nkulukumba.

¹¹² Xana a va fambela yini? Va siyile dyambu ro hisa, ehansi ka lava a va va tirhisa eEgupta. Xana va kumile yini, kuva va sukela ku kufumela ka masana lawa a ya ri kwalahaya? A va fanelia ku famba eka Layiti ya Langavi ra Ndzilo. Va siya dyambu ro hisa leri ri nga lahaya, ku famba eka Layiti ya Langavi ra Ndzilo ra Xikwembu. A kuri ku ncincana ka njhani! Ndzi ta tsakela ku teka ku ncincana kwaloko. N’wina ke? [Nhlengeletano yi ku, “Amen.”—Muhler.] Langavi ra Ndzilo. Va famba eka kuvonakala ka ntumbuluko, laha a va fambisiwa hi lava a va va tirhisa; ku huma lahaya va famba

eka Layiti ya Xikwembu, ehansi ka matimba ya Moya lowo Kwetsima, Langavi ra Ndzilo leri a ri va rhangela ku ya etikweni ra xitshembhiso.

¹¹³ Swa fana namuntlha. Huma eka ku vonakala loku ka misava ley, swilo leswi swi nga swa misava, u famba eka Layiti ya Xikwembu. Ri mi rhangela kuya etikweni ra xitshembhiso.

¹¹⁴ Nakambe va siyile mapoto ya khale ya galiki ya Egipta, mapoto ya nyama ya le Egipta. Xana va kumile yini loko va tshikile mapoto ya khale ya vona ya nyama? A va fanele ku dya swakudya swa Tintsumi. Mana ya xikela ehansi ya huma etilweni, ku ta teka ndhawu ya galiki.

¹¹⁵ Sweswi, loko u nga se tshama u dya nchumu handle ka galiki, mi nge ndzi mi byela swin'wana, Xikwembu xi na Tilo leri ri nga taleriwa hi Swakudya swa Tintsumi, ku ta mi phamela. Hi swona sweswo.

¹¹⁶ Swakudya swa Tintsumi, sweswo hi swona va nga swi kuma ematshan'wini ya sweswo, ematshan'wini ya galiki ya khale ya Egipta.

¹¹⁷ Va siyile mamati ya ridaka ya Egipta. Va hume njhani kwalahaya? Ku ya nwa eka Ribye leri ri nga biwa emananga, ra mamati yo tengya ribye ra khristala ra Xikwembu. Va siyile mamati ya ridaka ya Egipta, dinominexini ya khale ley yi nga ganama ya mamati ya ridaka.

¹¹⁸ Yaleylo hi yona ndlela ley ihi fanelaka ku swi endla nkarhi wun'wana namuntlha. Hi sukela mikhuva yaleylo ya khale na dinominexini, ley nge, "Masiku ya masingita ya hundzile. Vanhu va kona va penga. Vo va ntsena ntlawwa wa vavumbuluki lavo kwetsima." Tshika nchumu walowo ethelo, u ta lahawani u ta nwa eXihlobenyi lexi xi nga tatiwa hi...leyi yi nga humesiwa kusuka eka minsiba ya Emmanuel, laha vadyohi va nyupelaka endzeni ka ndhambhi yi ntshuxa swinaka swa vona hinkwaswo swa milandzu. Ina, nkulukumba.

¹¹⁹ Sukelani mati ya lawa ya khale ya ridaka, lawa ya nga hlanganana na ku kanakana, na ku tikeriwa, na ku phikizana, na ku belana mpongo, na hinkwaswo, mi tlhela mi rhelela hi minkarhi ya na vusiku mi ya va na xilalelo xa sopo, mi tlhela mi virisa na huku mi yi xavisa hi ntlanu wa macheleni, hi puleti, leswaku mi ta hakela muchumayeri. Loko, loko mi ri lahawani ehansi ka milawu ya Xikwembu, na milawu ya Xikwembu yo kwetsima, na ku famba na Xikwembu, u ta hakela vukhume bya wena, nakona muchumayeri u ta famba kahle, loko ntsena u nga teka ndlela ya Xikwembu yo swi endla. Hi swona. Mati ya khale ya ridaka; mi ya nwa kusuka a Ribyeni.

¹²⁰ Va yisile ehansi eka ku ti ndunduzela ka vona loku va nga ku siya ka vungoma bya Egipta, va ku, "Hi vanhu vo tlhariha ngopfu emisaveni namuntlha." Va siyile vangoma vo

tindunduzela, leswaku va va na N'anga Leyikulu. Amen. Ndzi ta tsakela ku vona un'wana wa n'anga namuntlha a ya emahlweni kukotisa hilaha N'anga leyikulu yi swi endleke. Vanhu va vona a vari emananga ku ringana makume mune wa malembe, nakona va humile va ngari na ku chava na un'we exikarhini-exikarhini xa vona. A kuri hava munhu loyi a chavisaka exikarhi ka vona, makume mune wa malembe. A kuri na vo tlula mamiliyon i mambirhi ya vanhu lava va nga huma hi nkarhi walowo. I vana vangani lava va tswariwaka vusiku byin'wana na byin'wana? I vangani lava va vabyaka? Nakona va endlile . . .

¹²¹ Ndzi tsakela kuya eka Dok. Muxe, ni ya languta eka xibekani xa yena xa zovo, ni vona leswaku i swiletelo swihi leswi a vanyikaka swona. A mi swi lavi ku swi vona sweswo xana? Ndza swi anakanya leswaku kuna vadokodela votala va nga navelaka ku xi languta endzeni ka xona ku vona swiletelo. Kunene, ndzi nga ha mi byela. Ndzi swi hlayile. Mi ndzi lava ni mi byela leswaku i yini? "Hi Mina Hosi leyi yi horisaka vuvabyi hinkwabyo." Hi swona hinkwaswo leswi a ri na swona. Sweswo hi leswi a swi lava, hikuva va siyile vangoma lavo tindunduzela, leswaku va va na N'anga Leyikulu. Ina, nkulukumba.

¹²² Va siyile ehansi lahaya, vanhu lava va nge teri, "Masiku ya masingita ya hundzile. Ku hava swo fana na sweswo tani hi masingita, ka hari hava." Va swi siyili sweswo, ku ta endla yini? Xana va endlile yini kwalaho? Ku va evukoneni bya laha masingita ya nga ta humelela kona, siku na siku. Amen.

¹²³ Vanhu namuntlha lava va vulaka leswaku ku hava sweswo swo kotisa masingita, ku na swin'wana swi nga hoxeka hi miehleketo ya vona. Hi swona sweswo.

¹²⁴ Munhu u ndzi byerile, nkarhi wun'wana, a ku, "A ndzi ngevi na mhaka ni leswi u nga swi endla. A ndzi na mhaka. A ndzi nge swikoti, u na swingani leswi swi khorwisaka," a ku, "Ntsena ndzo ka ndzi nga swi pfumeli."

¹²⁵ Ndzi ku, "Hakunene a switano. U ngaka u nga swi voni. Wo va bofu ngopfu ku swivona." Hi swona sweswo. Ndzi ku, "A hi swa lava va nga pfumeriki. I swa lava va pfumelaka. Vapfumeri va swivona." Hi swona sweswo.

¹²⁶ Nakulorhi u teri eka mina, nkarhi wun'wana, u hlanganile na mina axitarateni, a ku, "U hoxile eka Dyondzo ya wena."

Ndzi ku, "I Bibele."

¹²⁷ A ku, "U hoxile." A ku, "Kutani, ndzi lwisana na wena." A ku, kutani, "Ndzi bi ndzi va bofu. Paul u be munhu un'wana a va bofu nkarhi wun'wana." A ku, "Ndzi bi ni va bofu."

¹²⁸ Ndzi ku, "Ndzi—ndzi—ndzi ngaka ndzi nga swi endli. Khale u ri bofu. Ina. U . . . Ndzi nga swi endlisa ku yini loko tatana wa wena, a nga javulosi, khale a swi endlile?" Hi swona sweswo. "Khale u ri bofu." Munhu a vula nchumu wo

kotisa walowo, i—i bofu ngopfu, a nga swikoti ku hambanyisa nhlikanhi na munyama. A ngaka a nga swikoti ku vonisisa leswi mbirhi, Vutomi kumbe rifu. Sweswo i vubofu hakunene. Ina, nkulukumba. Ina.

¹²⁹ N'anga leyikulu a yi ri na vona, nakona va vonile masingita ya humelela. Hakunene.

¹³⁰ Vadyondzisiwa, xana va tshikile yini? A vari na tinete, tinete ta tinhlampfi. Va tshikile tinete ta vona ta tinhlampfi, leswaku va famba na Yena, ni ku vona masingita ya Yena, na mahlori, na matimba ya Yena, ya kuva a ri Mesiya. Munhu un'wana na un'wana loyi a nga taka a nga tshiki siku ra yena ro njoyela, ku landza sweswo, a kuri na swin'wana swo hoxeka. Va siyile tinete ta vona, ti tele hi tinhlampfi. Va sungurile ku koka, kutani va vile ni ku khoma lokukulu swinene loku va nga se tshamaka va va na kona. Nakona va tshikile hinkwaswo swa swona, ku N'wi landza, hikuva a va pfumela etimbilwini ta vona leswaku A ri Mesiya. Nakona va lavile ku N'wi landza, ku vona loko masingita ya ta N'wi landza tani hi Mesiya. Nakona va yile va ya ma vona.

¹³¹ Ndzi ta tshika hinkwaswo emisaveni, a ndzi na mhaka ni leswaku i yini, ku vona Yesu Kreste loko ativonakarisa hi Yexe, ngopfu-ngopfu loko a tivonakarisa evuton'wini bya mina, laha ndzi switivaka leswaku ndzi hundzile eka rifu kuya eVuton'wini, nakona ndza switiva leswaku hi Yena Mesiya. Ndza switiva, hi ku N'wi teka a Ritweni ra Yena, leswaku U ndzi ponisile eka vutomi bya vudyoho. Nakona ndza switiva leswaku Moya lowo Kwetsima wu tshama endzeni ka mina. Ndza ya vona masingita ya Yena, hinkwako, ndza ma kombetela. Ndza switiva leswaku hi Yena ya luya wa tolo, namuntha, ni hilaha ku nga heriki. Ku tshika hinkwaswo, ndzi navela ku tshika hinkwaswo.

¹³² Ndzi nghena eka nhlango wa kahle, kereke ya kahle, yin'wana yo antswa etikweni. Kambe va teri, "Billy, u ta lahlekeriwa hi miehleketo ya wena kutani u va muvumbuluki wo kwetsima."

¹³³ Kona lahaya, ndzi ku, "U nga ha teka hambi kuri ku teka khadi ra mina ra xinakulobye sweswi, hikuva ndzi ta landzela Moya lowo Kwetsima." Hi swona sweswo. I ntiyiso.

¹³⁴ Nakona mi ta fanela ku tshika hinkwaswo, hi swona sweswo, ku N'wi landza. Kambe loyi a nga ta tshika hinkwaswo, kutani a N'wi landza, Xikwembu xi hakela minkateko hi ntalo ya rifuwo. Ku hava leswi swi nga pimanisiwaka na yona. Hi swona

¹³⁵ Sweswi, vadyondzisiwa va tshikile tinete ta vona, na tinete ta tinhlampfi leti a titele hi tinhlampfi, ntirho wa vona. Va tshikile mintirho ya vona, va landza Hosi Yesu, ku vona matimba ya Yena, va vona singita. Vavanuna lava a vari

vavanuna lava va nga leteriwa. A va tiva leswi Mesiya a fanele ku swi endla. A va hlayile, endzhaku eBibeleni. Va switwisisile ntsena leswi Mesiya a ya eku swi endleni. A va switiva leswaku a kuri nkarhi wa swona leswaku swi humeleta. Kutani loko va tava va vonile Wanuna loyi a vonakala eka xivono, Loyi a ringanelia xifaniso, kutani a va tilulamiserile ku tshika hinkwaswo, ku ta yingisela leswi A nga ta swivula. Hikuva, loko a ri yena Mesiya, kutani a kuri Vutomi eka vona, hikuva va rhambiwile ku ta N'wi landza. Swingaleswi va tshikile hinkwaswo.

¹³⁶ Swingaleswi swi tano na namuntlha, loko *Leswi* swi ri ntiiyiso, loko Hungu leri ra nkhuvulo wa Moya lowo Kwetsima eka masiku lawa yo hetelela, laha A nga teri U ta chela havumbirhi mpfula leyi yi nga hundza na leyi ya hataka ehenhleni ka hina. Loko swilo leswi swi ri ntiiyiso, Ra fanela hi ku tshika hinkwaswo. Ri landzeleriwa.

¹³⁷ Yesu u teri, “Masingita lawa ya ta endliwa hi vona lava va pfumelaka. Loyi a pfumelaka eka Mina, hambi loko a file, u ta hanya. Kutani loyi a hanya a pfumela eka Mina a ngaka a nga fi. Loyi a pfumelaka eka Mina, mintirho leyi Ndzi yi endlaka u ta yi endlaka na yena.” I ntiiyiso.

¹³⁸ “Fambani emisaveni hinkwayo, eka swivumbiwa hinkwaswo. Masingita lawa ya ta endliwa hi vona lava va pfumelaka. Hi Vito ra Mina va ta hlongola madimona, va vulavula hi tindzimi letintshwa, va khoma na tinyoka. Vanwa na swilo leswi swi dlayaka, swi ngaka swi nga va vavisi. Loko va nga tlhandleka mavoko eka lava va vabyaka, va ta hola.” Sweswo hi leswi A nga swivula.

¹³⁹ “Tani hilaha Tatana a Ndzi rhumeke, swingaleswi na Mina ndza mi rhuma.” Tatana loyi a nga rhuma N’wana, u fambilie na N’wana, nakona a ri eka N’wana. Yesu loyi a nga rhumela munhu, u fambilie na yena, nakona u le ndzeni ka yena, ku kombisa na ku tirha mintirho yin’we. “Vonani, Ndzi na n’wina minkarhi hinkwayo, hambi ku ya fika emakun’wini ya misava. Kutani mintirho leyi Ndzi yi endlaka mi ta yi endlaka na n’wina.”

¹⁴⁰ Makwerhu, loko sweswo swi nga antswi kutlula mikhwa ya khale na swilo swa misava, ni ku nghena eka yin’wana lahaya leyи swi alaka hinkwaswo Sweswo! Hikokwalaho ka yini, ndzi ehleketa leswaku hi vanhu lava va tsakeke ngopfu emisaveni, loko hi vona Xikwembu lexi xi hanya xi fambaka ku rhendzeleka hi hina tani hi leswi; hi ri karhi hi switiva leswaku hi tshikile hinkwaswo, leswaku hi N’wi landza. Amen. Sweswo swi ndzi endla ndzi titwa ndzi kateka. Ku tshika hinkwaswo, hi landza Hosi Yesu. Swa ha fana namuntlha, mi fanele ku tshika hinkwaswo. Ntsena tani hilaha va swi endleke endlzhaku lahaya, mi fanele ku swi endla, na n’wina.

¹⁴¹ Sweswi, mi vulavula hi un'wana loyi a nga tshika swin'wana, a hi languteni leswi, eka Yesu, Yesu u tshikile hikokwalaho ka hina. Yesu u tshike hinkwaswo. A ri na kaya eTilweni. Nakona A sukela kaya ra Yena ra le Tilweni, kutani a ta amisaveni, nakona hambi swi ri tano a ri hava ndhawu yo veka nhloko ya Yena kona. Hi swona sweswo. U ti yisile ehansi, kufikela laha Yena a ngari...xisiwana ngopfu, kufikela laha A nga pfumala na mubedwa wo etlela kona. Ü teri, "Tinhlati ti na mabaku, na swinyenyena swi na moy...swa moy, swi na swisaka, kambe N'wana wa munhu a ngari na yona hambi kuri kuva na yona ndhawu yo veka nhloko ya Yena kona." Wa vona? Kambe U kume yini eka sweswo? U kuriseriwele ehenhla swinene kufikela laha A fanelaka ku languta ehansi ku vona misava.

¹⁴² U tile emisaveni, a teka vito ra le hansi-hansi leri ri nga ha tekiwaka emisaveni. A ri na vito ra le hansi-hansi, a teka vito ra le hansi-hansi, a vitaniwa Beelzebub. Beelzebub i...Loko va N'wi vona a vona mimoya hi ximoya lahaya tani hi sweswo, va teri, "Hi Yena mungoma. Hi Yena Beelzebub, javulosi." Ku hlahuva i swa javulosi. Nakona va N'wi vitanile javulosi, wa le hansi eka hinkwaswo. A ri na vito ra le hansi-hansi.

¹⁴³ U yile edorobeni ra le hansi-hansi. Nakona munhu lontsongo ngopfu adorobeni u langutile ehansi ehenhleni ka Yena; Zakheya, hi swona sweswo—sweswo, a Yerikho. Kuya ehansi, hakunene u swi endlile. U vile na vito ra le hansi-hansi eka lawa a yari emisaveni. U tile emisaveni a ri loyi a nga "hungukiwa," va N'wi vule tano, hikuva hakunene a va pfumela leswaku N'wana u tswariwe ehandle ka vukati lebyi nga katekisiwa. A ri na sweswo kuva masungulo ya swona, ku sungula hi swona. Kutani va n'wi thya vito ra Beelzebub, ra le hansi-hansi leri ri nga kumekaka. U tshikile ndhawu ya Yena ya le matilweni, kutani a tela ku ta teka rona lero.

¹⁴⁴ Kambe Xikwembu xi N'wi nyike Vito leri ri nga ehenhla ka mavito hinkwawo lawa ya nga thyiwa eTilweni, vito rin'wana na rin'wana leri ri nga thyiwa emisaveni, kufikela laha ndyangu hinkwawo eTilweni nale misaveni wu thyiwaka Hosi Yesu. Haleluya! Hi swona. U tshikile; U ririsiwile. Hakunene, U swi endlile. Hi swona.

¹⁴⁵ U tile emisaveni, Mutumbuluxi wa matilo na misava, nakona A ri hava nchumu lexi a nga xidyaka. Sathana u N'wi ringile, a titsona a titsonela hina, kambe U amukerile swakudya leswi van'wana va nga tiveku nchumu ha swona.

Siku rin'wana U vule tano leswaku. "Ndzi na swakudya."

A ku, "Hikokwalaho ka yini Mi nga ti, mi ta dya?"

¹⁴⁶ A ku, "Ndzi na Swakudya leswi mi nga swi tiveki." Hi swona. A ri na Swakudya leswi va nga tiviki nchumu ha swona.

¹⁴⁷ Lahawani a misaveni, A ri hava xo tumbela kona, va teri, ku hava ndhawu, ku hava yindlu, ku hava lexi a xi ri xa Yena.

Kambe ma tiva leswaku i yini? U vile Vuchavelo bya un'wana na un'wana wa hina. Xikwembu xi N'wi endlerile Vuchavelo, eka rixaka hinkwaro ra ximunhu. A ri hava vuchavelo lebyi byi nga bya yena N'winyi, kambe hi Yena Vuchavelo bya hina.

¹⁴⁸ A va vulavula ngopfu hi vuchavelo lebyi byi nga hahluka. Oho, mina! Hi na byona byin'wana. Hi swona. Vuchavelo lebyi byi nga hahluka, byi nghena endzeni ka goji rin'wana emisaveni. Nakona va ndzi byerile leswaku, "Tibomo leti ti ta ba ti tlhela ti buluka ti endla goji ehansi emisaveni, ku ringana dzana na makume ntlhanu wa tifiti hi ku enta, ku ringana dzana na makume na swin'wana swa timayili hi xikwere." Hikokwalaho ka yini, swi ta tshovelela rhambu rin'wana na rin'wana eka n'wina, loko mi ri hafu ya mayili hi ku enta endzeni ka misava. Hakunene, yi tava tano, hinkwako. Kambe hi na Vuchavelo. Kreste hi Yena Vuchavelo bya hina. Amen.

¹⁴⁹ Tani hilaha ndzi vuleke vusiku byin'wana, a vari tano, Russia a ri ri eku tindunduzeni eka ku bulusa ka vona lokukulu, xiyimo, "Hi vekile munhu empfhukeni, ro sungula."

¹⁵⁰ Ndza hambana na sweswo. Hi vile na Un'wana axibakabakeni ku ringana magidi mambirhi wa malembe. Amen. Hi swona. Ina, nkulukumba. Mukhongeleri, ina, nkulukumba, loyi a yaka eTilweni, a tlhela a vuya, hi ku kotisa kuavana ka sekondo ntsena. Hakunene. Hi na Munhu loyi a nga exibakabakeni. Vona a va na nchumu. Ina, nkulukumba. Hi swona. Hi swona hinkwaswo. Hi kuma leswaku U na... U fanele a va Vuchavelo bya hina hinkwerhu.

¹⁵¹ U sukerile Vun'wana bya yena, exikarhi ka Yena na Tatana, leswaku a va mudyohi wa hina. Xana a mi switiva sweswo xana? "A nga tivi vudyoho; u vile vudyoho bya hina. Swidyoho swa hina swi vekiwile ehenhleni ka Yena." A sukela Vun'wana, leswaku a va vudyoho, sweswi A nga ha swikota ku endla vadyohi vana. Amen. Xexo i xiphemu xa kahle, xo teka vadyohi xi va endla vana. Loko A ta tshika Vun'wana bya Yena, leswaku a va vudyoho, sweswi U teka vadyohi a va endla vana ha vona. Amen. I nkateko wa njhani! Ina, nkulukumba.

¹⁵² Xikwembu xi ngaka xi nga ti xavisi ha nchumu. Ee, nkulukumba. Mi ngaka mi nga swi endli leswi, hikuva Xikwembu xa swivona. N'wana wa Xona u vile ku nyikela ka vudyoho, leswaku A nga ha xava sweswi, xi teka vadyohi xi va endla vana va Xikwembu ha vona. I nchumu wo saseka njhani lowu wu nga kona. Ina!

¹⁵³ Sweswi, ina, nkulukumba, U—U nyiketile ntamu wa Yena. A va loyi a tsaneke, leswaku A nga hava ntamu wa hina. Hi yena ku ringanelka Ntamu wa hina hinkwawo. A hi lavi ntamu wun'wana handle ka ntamu wa Hosi Yesu. "Hi Yena Ntamu wa mina kusuka eka siku rin'wana kuya eka rin'wana. Handle ka Yena ndzi nga wa," ku vule muphati. Swi saseke njhani!

¹⁵⁴ Leswi i swi tshikaka; leswi u swi kumaka, ni leswi u nga tshama u swi tshika! Mina! Ku tshika misava. Ku tshika miehleketo leyi yi nga ya wena. Ku tshika ku kanakana ka wena. Ku tshika ku pandzisiwa nhloko. Swi tshike, kutani u N'wi amukela. U N'wi pfumela.

¹⁵⁵ Mi ku, "Sweswi, swi tano? Xana masiku ya masingita ya hundzile xana?" Tshika muxaka walowo wa miehleketo. Mi swi pfumela.

¹⁵⁶ Un'wana a ku, "Xana Yesu hakunene i Muhanyisi, kumbe lowu wu nga hava wu ri—ri ntlawa lowu wu tirhaka hi ku lahlekeriwa hi miehleketo eka vanhu lava?" Ntsena tshika miehleketo yaleyo, nkarhi wun'wana.

¹⁵⁷ "Sweswi, i switiva njhani leswaku swi tava swona kumbe swi ngavi swona?" I xitsembhiso. Sweswo hi leswi u swi tivisaka xiswona.

¹⁵⁸ Mi ri, "Oho, ndzi pfumela leswaku Moya lowo Kwetsima a wuri wa vanhu lava va nga hundza, nkarhi wo leha lowu nga hundza, ntsena eka vadyondzisiwa ntsena." Oho, swingaka swi ngavi tano. Kutani, loko swi ri tano, Bibele ya hambana yona hi yoxe.

¹⁵⁹ Petro u teri, hi Siku ra Pentekosta, "Hundzukani, kutani mi khuvuriwa un'wana na un'wana wa n'wina hi Vito ra Yesu Kreste leswaku mi ta rivaleriwa swidyoho swa n'wina, nakona mi ta amukela nyiko yi nga Moya lowo Kwetsima. Hikuva xitsembhiso xi le ka n'wina, na vana va n'wina, na vona lava nga ekule na swona, hambi kuri lavo tala lava Hosi Xikwembu xa hina xi nga ta va vitana." Swingaleswi i xitsembhiso xa Xikwembu, leswaku hi nga swikota, tani hiloko Xikwembu xi vitanelia eka Moya lowo Kwetsima, mi na nfanelo yo ta. Ntsena tshika miehleketo ya wena ha Rona, kutani u teka masungulo ya Rito ra Xikwembu ra swona.

¹⁶⁰ Mi ri, "Ku na nchumu wo kotisa walowo, leswaku vanhu va nga ha vulavula hi tindzimi, kumbe sweswo ntsena kova vuphukuphuku byin'wana, kumbe kuba mpongo kun'wana va ku endlaka?" Ntsena tshika miehleketo leyi yi nga ya wena.

¹⁶¹ Yesu u vule leswi, "Masingita lawa ya ta endliya hi vona lava va pfumelaka. Va ta vulavula hi tindzimi letintshwa." Bibele yi vule tano. Ina, nkulukumba.

¹⁶² "Makwerhu, xana masingita lawa ndzi nga ya vona eka—eka tinhlengeletano, ya ngava ya ri ya Xikwembu xexo?" Hakunene, ya ngava tano. "Kunene, ndzi vonile vanhu lava a va hanya muxaka wun'wana wa vutomi, nakona va fambile va ya khongelela vavabyi, nakona va hanyile. Ndzi..."

¹⁶³ Yesu u teri, "Ku hava munhu loyi a nga endlaka mahlori hi Vito ra Mina, a nga yaka emahlweni a vulavula swintsongo ha Mina." Hi swona.

¹⁶⁴ Loko munhu a hoxile, a teka nyiko ya Xikwembu a endla swin'wana leswi nga hoxeka, Xikwembu xi ta tirhana na yena. Kambe i Xikwembu, ntsena ku fana. Hakunene, swi tano. Hikuva hi yena mutikukumuxi, swi fanele ku endla leswaku mi hatima kahle. Mi ngaka mi ngavi na... Ndlela yin'we ntsena mi nga vaka na... Na—na dolara ya xiphaza, yi fanele yi endliwa yi suka eka ya ntiyiso.

¹⁶⁵ Nakona un'wana na un'wana u ri, "A ndzi ngeyi ekerekeni. A ndzi swilavi kuya ekerekeni. Ku na vatikukumuxi votala." Hikokwalaho ka yini, u ntsongo kutlula leswi va nga xiswona. U ringeta ku titumbeta hi vona. Loko u nga kota kuva endzhaku ka vona, u lontsongo eka vona. Hi swona sweswo.

¹⁶⁶ Ndzi hlayile xiatikilani aphepheni siku rin'wana, laha mukhalabya un'wana... Ari havumbirhi kuva a nga twi, mbheveve, nakuva a ri bofu, nakona a ya eka xikolo xa Sonto hi Sonto wun'wana na wun'wana. Kutani va n'wi vutisile, hi maendlelo ya matsalelo eka mabofu, va ku, "Hikokwalaho ka yini u ya ekerekeni? A wu switwa leswi muchumayeri a swivulaka. Hambi ti ri tinsimu a wu titwi. U yela yini ekerekeni?"

¹⁶⁷ Kutani a ku, "Ntsena ndzi lava ku kombisa un'wana na un'wana leswaku ndzi wela kwihi." Ntsena a pfumelela javulosi na un'wana na un'wana leswaku a switiva leswaku u wela kwihi. Ndzi ehleketa leswaku sweswo swi kahle. Ina, nkulukumba.

¹⁶⁸ Hi swihi swin'wana leswi Yesu a nga swi endla? U nyikile niku tshika Vutomi lebyi byi nga bya yena N'winyi. U nyikile Vutomi bya Yena, ku ta ponisa n'wina na mina. Hikuva leswaku U—leswaku U nyikile vutomi bya Yena... A nga fanelanga a byi veka ehansi. U swi endlile hi ku swi rhandza. A nga fanelanga a swi endlile, kambe U swi endlile hi ku swi rhandza, hikuva A nga ha mi ponisa. Nakona sweswi hi Yena a ri yexe loyi a nga mi ponisaka. Ku hava un'wana loyi a nga mi ponisaka.

¹⁶⁹ Ndza switiva leswaku ku na dinominexini leyi yi vulaka leswaku kereke ya vona ya mi ponisa. "Mi ponisiwa hi kereke."

¹⁷⁰ Mi ponisiwa hi Yesu Kreste kumbe mi va mi lahlekile. Ina, nkulukumba. Ku hava lexi mi nga xi endlaka, ku hava na nchumu na wun'we mi nga wu endlaka, ntsena i ku hundzuka eka vudyoho bya n'wina. Yesu Kreste hi yena Muponisi. Ina, nkulukumba. Ü nyikile, A nyika vutomi bya Yena hikwalaho ka n'wina.

¹⁷¹ Sweswi, ndzi ehleketa sweswo, namuntlha... Loko ha ha pfala, hi nga ha vula leswi. Leswaku, swa hi tungula, kutani, leswaku hi nga ha nyika vutomi bya hina na hinkwaswo, kutani hi tshika hinkwaswo leswi swi ngariki swa vukhongeri, hinkwako kuva hi nga pfumeli ka hina, na hinkwaswo, hi kumeka hi N'wi

landza kukotisa vadyondzisiwa lava va swi endleke. Xana a mi nge swi tsakeli ku swi endla xana? [Nhlengeletano yi ku, “Amen.”—Muhleri.] N’wi landzeni, mi n’wi landzela yini? Ku vona masingita ya Yena lamakulu ya ku Vuya ka Yena.

¹⁷² Sweswi, tsundzukani, Bibele yi tshembhisile, leswaku, emasikwini lawa yo hetelela, ntsena eku pfalen'i ka nkarhi, kutava na Layiti yin'wana ya Xikreste yi nga ta humeleta. “Mpfula leyi nga hundza na mpfula ya xirimo yi tata,” kun’we. Muprefeta u teri, “Ku tava na Kuvonakala hi nkarhi wa na madyambu. Ku tava na siku leri u nga taku u nga ri vitani nhlikanhi kumbe vusiku.”

¹⁷³ Ri tava ri ri siku ra muxaka muni lero? Ra maendlelo ya mpfula, hunguva, siku ro kanganyisa. Ntsena dyambu ri tava ri tlhavile, hakunene, hi ndlela ya le henhla ka minkungwa na mapapa dyambu ri tava ri tlhavile. Nakona eka sweswo, hinkwawo nkungwa walowo, hambi swi ri tano ri nyika ku vonakala, leswaku u nga famba, u vona ku jika-jika.

¹⁷⁴ Sweswo hi leswi hi ngava na swona ku ringana malembe na malembe, ku ringana magidi mambirhi wa malembe. Wa vona? Hi fambile hi ripfumelo, nakona hi ehleketicile leswaku, “Kunene, sweswo hi swona hinkwaswo. Ahaa. Ha pfumela, nakona hi joyina kereke, ni ku nghanisa mavito ya hina ebukwini. Nakona sweswo hi swona. Ha pfumela. Ntsena a hi swivoni swilo leswi kukotisa hilaha A swi endleke endzhaku hi minkarhi ya vona, endzhaku halahaya.” Va teri, “Hinkwaswo sweswo swi fambile. Swi le ndzhaku.” Nakona a swi ri hi ndlela yaleyo ku ringana—ku ringana madzana na madzana na madzana ya malembe, ntsena rova siku leri ri kanganyisaka.

Kambe U teri, “Hi nkarhi wa na madyambu, ku Vonakala ku tava kona.”

¹⁷⁵ Sweswi, dyambu rona leriya rixaka eVuxeni ra hari rona dyambu reriya ri pelaka eVupela-dyambu. Yesu yena ya luya a nga...chela Moya wa Yena eVuxeni, ehenhleni ka vanhu lava, kahari yena Yesu loyi a nga emasikwini lawa yo hetelela, a chelaka Moya wa Yena. Wu le henhleni ka vanhu va le Vupela-dyambu. U swi tshembhisile.

¹⁷⁶ U endlile xitshembhiso. U teri, “Tani hilaha a swi ri hakona emasikwini ya Lot, swi tava tano eku vuyeni ka N’wana wa munhu.”

¹⁷⁷ Hilaha Xikwembu xexo xi tivonakariseke hi Xoxe eka miri wa ximunhu, xi tshama lahaya xi dya na Abraham, nhlana wa Xona wu fularhela tende, ni ku byela Sarah leswi a swi ehleketa, eka tende lero. A byela Abraham leswi vito ra yena a ri ri hakona, ni hilaha vito ra Sarah a ri ri hakona, ni hilaha Xi nga tava endzela hakona. Nakona Sarah a nga swi pfumelanga, kutani u hlekile, atendeni. Kutani Ntsumi yi ku, “Hikokwalaho ka yini Sarah a hlek?” A tendeni, endzhaku ka Wanuna.

¹⁷⁸ Yesu u teri, “Tani hilaha a swi ri hakona hi siku lero, swi tava tano ekuvuyeni ka N’wana wa munhu.”

¹⁷⁹ Tani hilaha ndzi tolreveleke ku vula leswaku, ndzi teri eka vusiku lebyi byi nga hundza, ndzi lava ku swi tshaha nakambe. Minkarhi hinkwayo ku na tinxaka tinharhu ta vanhu, nkarhi hinkwawo, tani hi Ham, Shem, na vanhu va Yafet, majaha manharhu ya Nowa. Ku rhelela ehansi, ku na—ku na tinxaka tinharhu ta vanhu. Sweswi hi va ntlawahata hi ndlela ley: loyi a nga pfumeriki, wa ripfumelo ro tiendisa, na mupfumeri. Sweswi yaleyo hi yona ndlela swi fambisanaka xiswona. Swi endlile swo fana lahaya. Yesu u teri, “Tani hilaha a swi ri hakona emasikwini ya Sodoma, swi tava tano eka leri.”

¹⁸⁰ Abraham, loyi a nga tshika hinkwaswo, leswaku a landza, sweswi hi leswi, ehansi. U khomelerile eka xitshembhiso xexo ku ringana malembe na malembe, malembe ya makume mbirhi-ntlhanu. Hi loyi lahawani, a ri na dzana ra malembe sweswi. Nakona u lahawani emasin’wini. Ntlambhi wa yena wu sungula ku khwita, nakona ku hava mati. Kutani, Lot, u hanya hi ku tiphina ehansi lahaya na swilo hinkwaswo leswi a swi lava. Nakona lahawani hi loyi Sarah, wansati wo xonga swinene etikweni, nakona, hi loyi sweswi, wa maendlelo yo titsona.

¹⁸¹ Kutani kumbexani Manana Lot a ri na swona switayele leswi swa misisi, ma swi tiva, na hinkwaswo swilo leswi. Ntsena a hanya hi ku tiphina ehansi lahaya. A ri nsati wa meyara, nakona a nghena ekerekeni ley a yi ri kereke leyikulu. Ina, nkulukumba. Nakona a swi kanakanisi leswaku a ri na swisayiti swa yena. A nga swi lavanga hambi kuri ku swilava ku swi tshika, ku swi tshika, kufikela laha a tshamela ro languta endzhaku. Nakona u hundzukele eka nhulu ya munyu hikokwalaho ka kuva a rhandzile misava ku antswa kutlula ku rhandza ku yingisela rito ra Ntsumi yaleyo.

¹⁸² Sweswi xiysisani tinxaka tinharhu. Lava va nga pfumeriki, Masodoma, lava ntsena a vari ehafini, swirho swa kereke swo kufumela, a ri Lot. Kambe muhlawuriwa, kereke ley yi nga vitaniwa a ri Abraham na ntlawa wa yena. Loko, Tintsumi leti, xana a Ti ta eka mani? Eka Abraham na ntlawa wa yena. Hi swona. Va rhelele ehansi, vambirhi va vona va rhelele kwalahaya, tani hi vaevhengeri va ximanguva lawa.

¹⁸³ Hi na vaevhangeli lavakulu lava—lava va yaka eka kereke ya xidinominexini namunlhia. Van’wana va vavanuna lavakulu ngopfu etikweni, lava hi va tivaka, i Billy Graham. Kutani hakunene u bulusela Evhangeli eka vanhu lava va nga lahaya, a va vitana leswaku va huma, “Humani a Sodoma.”

¹⁸⁴ A hi fanelanga hi huwelela leswaku “Humani eSodoma,” eka Kereke ley. Yo fanela kuva yi humile, khale. Loko yi vitaniwile hi Moya lowo Kwetsima, yi va yi sukile eSodoma, nkarhi wo leha lowu wu nga hundza. Hi swona. Yi tshikile

Sodoma. Yi hanya ehandle lahawani, yona hi Yoxe, hakunene, yi tiavile. Rito hi roxe *kereke* swivula “lava va nga vitaniwa, lava va tiaveke.” Nakona loko u tiavile, u . . .

¹⁸⁵ “Humani exikarhi ka vona. Mi nga khumbhi swilo swa vona leswi swi nga tengangiki.” Loko mi nga swi endlanga sweswo, mi le Sodoma; mova xirho xa kereke, lexi xi kufumelaka. Kutani mi ta fanela ku tiava n’wina hi n’wexe, mi fambela ekule na swilo swa misava, kutani mi huma, mi hanya mi tengile na ku kwetsima, mi famba hi milawu ya Xikwembu.

¹⁸⁶ Tsundzukani, timbirhi ta Tintsumi leti ti rhelele ehansi lahaya. A ti kalanga ti endla mahlori yo tala. Kova hlori rin’we leri ti nga ri endla, i kuva ti ba vanhu leswaku va va mabofu loko va ta eka vona.

¹⁸⁷ Kunene, sweswo hi swona hakunene leswi ku chumayela ka Rito ku swi endlaka, ku ba vanhu leswaku va va mabofu. Na vaevhangeli lava lavakulu namuntlha, lava hi vativaka, votala va vona va endzela Phoenix lahawani. Na—na vaevhangeli lavakulu kusuka . . . lava va ngaya ehandle ensin’wini, a va endli mahlori na kuya emahlweni, kambe hi ku hetiseka va pfala vona lava va nga pfumeriki mahlo, vona Vasodoma, hi ku chumayela Rito, leswaku, “Yesu Kreste i N’wana wa Xikwembu.”

¹⁸⁸ Kambe, kutani, hi ley Kereke ya ximoya; yi ngari ya ntumbuluko, kumbe ya Vusodoma. Kambe Kereke ya ximoya, leyi yi pfumelaka eka Xikwembu, leyi yi nga endzeriwa hi Xikwembu, tani hilaha Abraham a ri xiswona, kurhelela ehansi. Abraham i xifananiso lexi xi hetisekeke xa Mbewu ya Abraham endzhaku ka yena, a Kerekeni, “Vanh lava va humaka eka Vamatiko, hikokwalaho ka Vito ra Yena,” Mbewu ya vuhos, tani hilaha ndzi chumayelete hi Sonto. Wa vona? Sweswi, Kereke ley, Yi vitaniwile, yi aviwa, yi sukela hinkwaswo swa misava, yi huma, ku ta famba na Moya lowo Kwetsima, tani hilaha Abraham a swi endleke.

¹⁸⁹ Hi vonile minxaka hinkwayo ya swilo, tani hilaha Abraham a swi endleke, a nga ta na swona. Kambe hi rihi singita ro hetelela leri a ngari vona ku nga se fika makumu ya rendzo? A kuri singita ro hetelela rihi ku nga se fika n’wana loyi a nga languteriwa kuva a vonakala? Abraham a langutele n’wana. A hi swona xana? [Nhlenegetano yi ku, “Amen.”—Muhler.] Xana mi Mbewu ya Abraham xana? [“Amen.”] Swingaleswi hi langutele N’wana, N’wana loyi a nga tshembhiswa, N’wana wa Xikwembu.

¹⁹⁰ Kutani Abraham u vonile mintirho ya Xikwembu ya xihundla loko Xi ta n’wi vitana, eka Layiti yaleyo yintsongo hi nkarhi wa lowo, na gandzelo, na ku tiyisisa ntwanano eka yena. Kutani minkarhi yo tala Xi hlanganile na yena hi tindlela to tala to hambanana. Kambe singita ro hetelela Xi

ngari komba Abraham, hiloko Xona xi ta, xi ti vonakarisa enyameni, xi tshama na nhlana wa Xona wu nga languta etendeni, ni ku byela Sarah.

¹⁹¹ Abraham handle ko kanakana u pfumerile leswaku a xi ri Xikwembu. Vanhu van'wana a va pfumeli leswaku a xi ri xona. Kambe, leswaku, Bibele yi teri a xi ri Xikwembu. Abraham u vule leswaku a Xi ri xona. U Xi vitanile, "Elohim." Elohim i Mutumbuluxi lonkulu wa matilo na misava.

¹⁹² Sweswi, Xi ti endlile xona N'winyi, nyama, leswaku xi va singita, lero emasikwini ya makumu. Ma va vona Vasodoma, lava va ngariki vapfumeri? Ma xi vona xirho xa kereke? Sweswi langutani Muhlawuriwa, loyi a nga vitaniwa. Nakona eka Muhlawuriwa loyi, Xa tivonakarisa xona N'winyi hi matimba ya Moya lowo Kwetsima, hi nyama ya ximunhu. Amen. Xana a mi swi voni leswaku i Mesiya? Xikwembu, Kreste, a tikombisaka eKerekeni ya Xona; Kereke kuva yi endla Vutomi byo fana, yi hanya vutomi byo fana, yi endla masingita man'we. "Loyi a pfumelaka eka Mina, mintirho leyi Ndzi yi endlaka u ta yi endla na yena."

¹⁹³ Loko moya wa—wa "gangster" wu ri endzeni ka mina, a ndzi tava ni ri na swibamu. Loko moya wa mupendi awuri endzeni ka mina, a ndzi ta penda xifaniso xa mupendi, kutani a ndzi ta swi endla. Loko moya wa makhanikhi wuri eka mina, a ndzi ta mi byela hi leswi swi nga hoxeka hi movha wa n'wina. Wa vona?

¹⁹⁴ Nakona loko Moya wa Yesu Kreste wu ri endzeni ka mina, ndzi ta endla mintirho ya Kreste, hikuva i Vutomi bya Kreste lebyi byi nga endzeni ka n'wina. Wa vona? Byi tivonakarisaka eka Mani xana? Byi vonakarisa Mani? U ta... U tshikile Vun'wana bya Yena, kutani a va vudyoho, ni ku teka swidyoho swa hina, leswaku A nga ha teka vadyohi a va endla vana. A va mina, leswaku ndzi nga hava Yena. A va mudyohi, leswaku ndzi nga hava n'wana wa Xikwembu. Yena... Oho, swa—swa ba, leswi A nga swi endla. Wa vona? U tekile ndhawu ya n'wina, leswaku mi nga ha teka ndhawu ya Yena. "Mi joyinanile mi va vadya ndzhaka na Yena; eka Mfumo." A va mudyohi, tani hi n'wina, swidyoho swa n'wina swi vekiwile ehenhleni ka Yena; leswaku A nga ha mi teka a mi endla nakulorhi wa mutshami wa le Tilweni, A tshama na n'wina eMfun'weni wa Xikwembu. Kwalaho mi nga kona: a nghenisa Moya wa Yena endzeni ka n'wina. Nakona loko Moya wa Yena wuri endzeni ka n'wina, mintirho leyi A yi endleke mi ta yi endla na n'wina.

¹⁹⁵ Sweswi, langutani leswi A nga swi endla loko A ha ri lahwani emisaveni. Xana U tivonakarise njhani yena hiYexe?

¹⁹⁶ U ngaka u nga rhendzeleki, u kumeka hinkwako, kutani u ya etikamareni to khidela kona, kutani u fambela ekule na kereke,

u tlhela u tshama ekaya hi vusiku bya Wavunharhu, ku ta vona swin'wana swa thyaka leswi swi tlangaka eka thelevhixini, kumbe swin'wana swo kotisa sweswo, kutani u tshika kereke ya wena, na hinkwaswo swo kotisa sweswo, nakona hambi swi ri tano u langutela ku ta vona Kreste. U ta fanelu ku tshika swilo leswi, u landzelela Moya lowo Kwetsima.

¹⁹⁷ Mi nge Yena a tivonakarisa hi Yexe tani hi Mesiya, tani hi vona valandzeri lavo sungula va swi endleke. Va N'wi landzerile, ku vona loko A ri Mesiya. U ehleketa yini hiloko Andrew a tava a tshamile vusiku hinkwabyo na Yena vusiku byebyo, yena na Filipi? Mixo lowu wu landzelaka, Filipi u fambile hi yin'wana ndlela, na Andrew hi yin'wana.

¹⁹⁸ Andrew u tekelele eka makwavo wa yena. Kutani tani hiloko a kuma Simon, u teri, "Tana, u ta vona. Hi n'wi kumile Mesiya luya." A switiva leswaku A ri Mesiya. Hikokwalaho ka yini? A tiva leswi Mesiya a nga tava xiswona. A switiva, hi Xitsalwa, leswi Mesiya a nga tava xiswona.

¹⁹⁹ Sweswi, hikuva, Mayuda, masiku ya vona, a vari na swona va swi humesile, tikereke tona leti letikulu. "Oho, loko Mesiya a ta, kutava na mhalamhala yi nga ta twakala ku jika hi swibakabaka, kutani Xikwembu xi ta faya swin'wana, kutani xi pfumelela tiphaseji ta Tilo ti wela ehansi. Nakona ku tava na Ntsumi yi nga ta losa ku buluka loku ku nga ta rhendzeleka hi misava. Nakona Mesiya u ta ta, a ri karhi a xika hi tiphaseji ta kona tani hi sweswo, na Tintsumi na tibende, na swin'wana swo kotisa sweswo, ti ta kona ehansi eka tempele ya *leyi*, ti famba eka yona. U tava Mesiya. U ta teka nhonga, a fuma misava."

²⁰⁰ Langutani leswaku swi hambanisa ku yini ku ta ka Yena, kambe U tile hi Xitsalwa. "A tshamile enhlaneni wa mbhongholo, a ta, a khandziyile a ya eYerusalem, a tiyise ehansi a tlhela a va lowo rhula." Hi swona sweswo. Wa vona?

²⁰¹ Sweswo hambi swi ri tano swi hundzuluxile muprofeta, Yohana. U chumayerile Mesiya na tifene evokweni ra Yena, hi ku tika a ri karhi a tinhantswa eka floro ya Yena; kutani loko A ta, lowo rhula na ku tiyisa ehansi. Kambe Yohana a switiva leswaku yaloye a ri Mesiya, hikuva u vonile Layiti yaleyo ehenhla ka Yena. Nakona a switiva sweswo. U teri, "Loyi a nga ndzi byela emananga a ku, 'Famba, u ya khuvula hi mati,' a ku, 'Ehenhleni ka Yena loyi u nga ta vona Moya wu xika ni ku tshama, hi Yena Loyi a nga ta khuvula hi Moya lowo Kwetsima na ndzilo.'" Ku hava na un've loyi a swivoneke. Yohana u swi vonile. Xitshembhiso a xi ri eka Yohana.

Ku hava loyi a nga vona nyeleti leyи nga landzeleriwa hi vavanuna va tintlharhi.

²⁰² Kutani swi tano na vusiku lebyi. Mi nga ha tshama lahawani, mi ri mabofu hakambirhi, nakona mi nga ya

voni matimba ya Xikwembu. Mi ngaka mi nga swi twisisi kufikela laha Xikwembu xi pfulaka... “Hinkwaswo leswi Tatana a nga Ndzi nyika swona swi ta ta eka Mina, nakona ku hava munhu loyi a nga ta ta handle kaloko Tatana wa Mina a n’wi tshuneta.” Hi swona hinkwaswo. Sweswo swa swi tshamisisa.

²⁰³ Sweswi hi kuma leswaku va tshikile hinkwaswo, kutani va N’wi landza ni kuva va vona leswaku A ri Mesiya. Andrew u humile a ya byela Petro, a ku, “Wa switiva leswi tatana wa hina a nga hi byela swona?” Swin’wana swa xileriso lexi, kumbexani. “Ha switiva leswaku loko Mesiya a ta. Muxe u hi byerile leswaku ‘Hosi Xikwembu xa hina xi ta hi pfuxela Muprofeta’ ntsena loyi a kotisaka yena. Kutani ha switiva sweswo, hi dyondzisiwile, ‘Loko kuri na un’wana exikarhini ka hina, loyi a nga wa ximoya kumbe muprofeta, leswi a swivulaka swi humelela, kutani n’wi yingiseni. Loko swi nga humeleli, kutani mi nga n’wi yingiseli.’ Kutani ha switiva leswaku Mesiya u tava... kungari ntsena muprofeta. U tava Xikwembu-Muprofeta. Swingaleswi Wanuna loyi i Munhu yaloye.”

“U switiva njhani, Andrew?”

“Ntsena tana, u ta vona.”

²⁰⁴ Yana lahaya. Kutani tani hiloko a ha famba emahlweni ka Yesu, Yesu u teri, “Vito ra wena i Simon, nakona u n’wana wa Yonas.” A switiva, kona kwalahaya, yaloye a ri N’wana wa Xikwembu.

²⁰⁵ Lahawani ku ta Filipi, na Nathanael. Loko Nathanael a ha tshunelela eka Yena, a switiva...

²⁰⁶ Va nga hava, ndza bvumbha, va vile na ku vulavurisana lokukulu loku va ngava na kona, va vulavula ha swona, va ta. Ni hilaha A nga byela Petro swilo leswi, ni ku n’wi nyika vito rin’wana, ni ku n’wi byela leswaku hi yena mani, na tatana wa yena, na kuya emahlweni, ha swona. “Wa switiva leswaku Mesiya u fanele kuva muprofeta.”

²⁰⁷ Kunene, hi loyi a taka, a ya emahlweni ka Yesu. Kutani Yesu a ku, “Vonani Muisrael loyi eka yena a ngariki na xisandzu.”

A ku, “Rabi, U ndzi tive rini xana?”

²⁰⁸ A ku, “Loko Filipi a nga se ku vitana, loko wa hari ehansi ka nsinya, Ndzi ku vonile.”

²⁰⁹ U teri, “Rabi, U N’wana wa Xikwembu. U Hosi ya Israel.” Sweswo a swi swi tshamisisa, eka yena.

²¹⁰ Lontsongo, wansati wa khale wo nyenyetsa, wa futa, wa thyaka, loyi a tshama na vavanuna va ntsevu. U tekiwile hi ntlanu wa vona, ni loyi a tshama na yena a ngari wa yena. U yile exihlobyeni siku rin’wana kuya ka mati. Kutani loko a yisa mpopo ehansi, kumbe bakiti eka xokoka, kuya ehansi,

kuya ka mati, nakona loko a tava a sungurile ha sweswo, u vonile Wanuna ntiyela a tshamile lahaya, wa Muyuda. A ku, “Wansati, Ndzi keli ndzi nwa.”

²¹¹ A ku, “Hi na ndzelekano. A ku—ku na...a swi tololovelekanga eka Wena, tani hi Muyuda, ku ta ndzi kombela, wansati wa Musamariya, eka nchumu wo tani hi walowo. Hi hava ntirhisano.”

²¹² U teri, “Kambe loko a wu tiva Loyi u vulavulaka na yena, a wu ta kombela eka Mina kunwa. A wu ta kombela eka Mina mati.” Ntsena va... Va yile emahlweni, va ri karhi va vulavula un’wana eka un’wana, xinkadyana. Xana a endla yini Yena? A ringeta ku kuma leswi swi n’wi karhataka.

Sweswi, “Yesu u vile na xilaveko xo ta hi le Samariya.”

²¹³ Tsundzukani, ntsena A ti xakahata yena hi Yexe na Muyuda na Wamatiko... Valavo i Ham, na vanhu va Shem. Wa bona? Vanhu va Yafet a va sele. Hi na ma Anglo-Saxons, a hi ri vahadeni, hi khongela swifaniso hi masiku ya bona. Tsundzukani. Hikokwalaho ka yini A nga tivonakarisanga hi Yexe, Yesu, loko A ha ri emisaveni, eka Vamatiko, eka singita rona lero, ku va kombisa? Hikuva Vamatiko a va nga langutelanga Mesiya.

²¹⁴ Mayuda a va langutele Mesiya, na Masamariya a va langutele Mesiya.

²¹⁵ Nakona U tivonakarisile hi Yexe tani hi Mesiya, hi ku byela Petro, loyi A nga n’wi nyika swikhiya swa Mfumo. Nale ka Nathanael. Na bofu Bartimiya, loko ripfumelo ra yena ri tava ri N’wi yimisile. Na wansati loyi a karhatiwa hi switlhandla. Nakuya emahlweni, eka Mayuda.

²¹⁶ Kambe lahawani U le mahlweni ka Masamariya sweswi, nakona U ta eka Masamariya, ku ta titivisa hi Yexe tani hi Mesiya wa ntiyiso.

²¹⁷ Sweswi, kuringana madzana ya malembe, havumbirhi Muyuda na Musamariya a va pfumela leswaku Mesiya u le kuteni. Swingaleswi, loko Mesiya a ha ri emisaveni, a swi ri eka Mesiya ku tivonakarisa yena hi Yexe.

²¹⁸ Langutani eka Simeon wa khale etempeleni, na vumbhoni, bya leswaku, “Ndzi ngaka ndzi nga voni rifu kufikela laha ndzi vonaka Hosi Kreste.” Kutani hi xinkadyana lexi Maria a tisaka N’wana, Moya lowo Kwetsima wu vulavurile na Simeon. A tshunelela laha A ri kona, tani hi *sweswo*, kutani a tlakusa mavoko ya yena, a ku, “Pfumelela nandza wa Wena a ti fambela hi ku rhula kuya hi Marito ya Wena, hikuva mahlo ya mina ya vonile Ku ponisa ka Wena.” Simeon a nga ta hanya nkarhi wo leha ku N’wi vona loko a endla mintirho ya Yena ya Ximesiya, kambe a ri na vumbhoni bya leswaku A ri tano.

²¹⁹ Kambe U ti tivisile yena hi Yexe evanhwini, tani hi Mesiya, kuva Xikwembu-Muprofeta xexo. Wansati yaloye, loko A tava a vulavurile na yena, a ku, "Famba, u ya vitana nuna wa wena u ta na yena lahawani."

U teri, "Ndzi hava nuna."

²²⁰ A ku, "U vule swona. U vile na ntlhanu wa vona, ni loyi u tshamaka na yena sweswi a hi nuna wa wena."

²²¹ A ku, "Nkulukumba, ndza swi twisia leswaku U muprofeta. Ha swi tiva, loko Mesiya a ta, U ta hi byela swilo leswi. Leyi yi tava yi ri sayini ya Mesiya loko A ta. U tava a ri Un'wana loyi a nga ta hi byela hi swilo leswi."

Kutani Yesu a ku, "Ndzi Yena loyi a vulavulaka na wena."

²²² Hi ku hatlisa u sukele khuwana ra yena ra mati a tsutsumela emutini, a ya byela vavanuna lava a vari emutini leswaku, "Tanani, mi ta vona Wanuna Loyi a ndzi byelete hi leswi ndzi nga swi endla. Xana a hi yena Mesiya loyi a fanaka xana? A hi yona sayini ya Mesiya leyi a nga ta hi komba yona?"

²²³ A nga ha yi endlaka kambe, emahlweni ka un'wana na un'wana wa vona, kambe vateri vavanuna va muti walowo a va N'wi pfumela hikwalaho ka vumbhoni bya wansati bya leswaku A ri Mesiya. Amen.

²²⁴ Sweswi i nkarhi wa Vamatiko. Hi vile na malembe ya magidi mambirhi ya mpimo lowuntsongo, ehenhla nale hansi, minhlangano, ku nghena na ku huma, ni ku rhasa na ku ba mpongo, na ku rhasa na ku lwa, na hinkwaswo, va ntivo-vukhongeri na tiseminari, na swin'wana.

²²⁵ Sweswi, loko A pfumelela Masamariya lawa na Mayuda va ta, lava va nga tshika swikwembu swa misava, va tirhela Xikwembu, ni ku langutela ka ku ta ka Mesiya; nakona Mesiya u titivisile yena hi Yexe eka Mayuda hi maendlelo ya lawa, hi siku lero. Nakona A nga ta swikota ku tshova milawu ya Yena. A ngari Tatana loyi a nga swi endlaka eka un'wana na un'wana, na un'wana eka swin'wana, swo hambana. Wa ha ri Yesu ya luya. Hi swona.

²²⁶ Sweswi, lahawani, hi vile na malembe ya magidi mbirhi. Moya lowo Kwetsima wu wele ehenhleni ka hina. Hi vulavurile hi tindzimi, ni ku vona masingita na swihlamariso, na kuya emahlweni. Sweswi, singita ro hetelela leri Abraham a nga ri vona, ku nga se vuya n'wana wa xitshembhiso, a kuri Xikwembu xi tivonakarisaka xona hi Xoxe eka miri lowu wu nga dyaka, hi ku bvumbha niku kombisa singita rin'we leri Yesu a ngari kombisa loko A hari lahawani, kuva Mesiya. Sweswi, Yesu u profetile a vula leswaku swi tava hi ndlela yaleyo. Kutani, vanghana, sweswi hi yona awara ya kona.

²²⁷ Mayuda lava a va yimile lahaya, loko va tava va vonile Yesu loko a vula sweswo eka munhu yaloye, va teri... Vafanele

ku hlamula nhlengeletano ya vona. Vona, a va switiva leswaku swi endlekile, swingaleswi a va nga ta endla nchumu ha swona. A va fanele ku hlamula nhlengeletano ya vona, swingaleswi va teri, “Wanuna loyi i Beelzebub. U...” A va ehleketa sweswo etimbilwini ta vona. “Munhu loyi i Beelzebub, wa vona, hikuva hi Yena xingomatanda, muxaka wun’wana wa—wa nkucetelo hi swendlo, kumbe swin’wana. Hi Yena Beelzebub.”

²²⁸ Yesu u twisisile miehleketo ya vona. Nakona U hundzulukele eka vona, hiloko A ku, “Loko mi vulavula sweswo hi ku lwisana na Mina, N’wana wa munhu, Ndzi ta mi rivalela. Kambe, hi ndlela yin’wana, siku rin’wana Moya lowo Kwetsima wu le kuteni, ku ta endla swo fana. Kutani ku vulavula ku lwisana na Wona, a ku ngevi naku rivaleriwa eka misava leyi kumbe eka misava leyi yi nga tata.”

²²⁹ Oho, makwerhu, ndzi tsake ngopfu vusiku lebyi kuva ndzi ri na minkateko ya xipentekosta. Amen. A swi kanakanisi leswaku lahwani, vamakwerhu, mi tshamile endzeni lahwani ka church of God, Foursquare, Assemblies of God, na hinkwato to hambanana. Sweswo swi sasekile. Leswaku, ntsena tshamelani ro ya emahlweni. Mi nga... Ntsena tshamani kahle na yona. Wa vona? Kambe mi nga ehleketi leswaku nkumba a wu ndlali kuya fika eka makwerhu un’wana wa n’wina, nakambe, eka nhlangano wun’wana lowu (ntsena tani hi) wu nga na Moya lowo Kwetsima wo tala. “Xikwembu xi nyike vona Moya lowo Kwetsima lava va Xi yingisaka.” Swingaleswi na makwerhu lon’wana u swi endlile, na yena, ma swi vona, swingaleswi wu tlhatlheni wu ya hinkwako. Sweswo hi swona. Nakona a hi temi kun’we hi ta tsaka.

²³⁰ Hi tshikile misava. Hi Mbewu ya Abraham. Hi Mbewu ya Kreste, Mbewu leyti yi nga tssembhisiwa. Kutani hi hina lava, kuya ehansi. Nakona hi xiji xo hetelela sweswi, leswi Xi nga swi nyika tatana wa hina Abraham? Sayini yaley, emahlweni ka Sodoma, ku nga se va na ku ntshwa, na ku ta ka n’wana. Sweswi, ntsena ku nga se ta N’wana wa xitsembhiso, na ku ntshwa ka Sodoma, Xikwembu xi tsembhisiha Yesu Kreste leswaku swi tava tano, “Tani hilaha a swi ri hakona emasikwini ya Sodoma.”

²³¹ Langutani eka misava namuntha. Matimu ya misava a ya kalanga ya vona vuencyeti byo tala tani hilaha hi nga na kona namuntha. Nakona papila ra mina ri tele hi vamanana, lava rilaka, kusuka kona kwala eCalifornia. Va hlaya phepha-hungu, ra ku encenyeta kwaloko, hikokwalaho ka yini, swi ncincile eCalifornia, ndzi ehleketa leswaku, makume nharhu wa tiphesente hi ku rhendzeleka, endzhaku ka lembe leri ri nga hundza. Ku encenyeta, ku hinkwako, thyaka. Swikolo, swikolo swa vukhongeri, swi lava ku tsema vanhu a swikolweni swa vona, va vile na nkarhi wo tika wa ku swi rhwala. Ku encenyeta, “ku ncinka xivangelo xa ntumbuluko,” ntsena tani hilaha a swi ri a Sodoma, hi swi vona hi ndlela yaley.

²³² Langutani eka Billy Graham, murhumiwa wo huma eka Xikwembu, ehansi lahaya, a kukula Evhangeli yaleyo.

²³³ Sweswi, Kereke yona ke, Muhlawuriwa? A yi fanele yi va na sayini, na yona. A hi swona sweswo xana? [Nhlengeletano yi ku, "Amen."—Muhleri.] A hi fanele kuva na yona. Ndza tshembha leswaku vusiku lebyi hi ta tshika hinkwaswo ku ka hi nga pfumeli ka hina, niku pfumela eka Hosi Yesu, niku N'wi landza, niku vona masingita ya Yena ya siku ro hetelela, hikuva U tshembhisile leswaku swi tava lahawani.

A hi korhamiseni tinhloko ta hina.

²³⁴ A ngava a ri kona lahawani vusiku lebyi loyi a nga N'wi tiveki tani hi Muponisi wa yena, nakona u tsakela ku tshika hinkwaswo ntsena sweswi u N'wi landza? U nga ha yimisa voko ra wena, i ku, "Ndzi khongeleti, Makwerhu Branham. Ndzi tsakela ku swi endla sweswo, ndzi va Mukreste wa xiviri." Xikwembu a xi ku katekisi. Ku nga hava kuri na un'wana xana? Xikwembu a xi ku katekisi. Xikwembu a xi ku katekisi. Xikwembu a xi ku katekisi, sesi. Xikwembu a xi ku katekisi, na wena, makwerhu. Un'wana? Xikwembu a xi ku katekisi, nkulukumba. "Ndzi ta tsakela ku tshika hinkwaswo. Ndzi—ndzi ya eku swi endleni, Makwerhu Branham."

²³⁵ Ndzi lava ku vutisa swin'wana. Boti, sesi, a ndzi—ndzi—a ndzi vuli ku vavisa un'wana. Kambe, ma swi vona, wena—wena—wena... Mi na vutihlamuleri hi Rito. "Loko-loko mi tshama eka Mina, na Marito ya Mina ya tshama eka n'wina." Nkarhi wun'wana ndzi ta fanela ku vula swin'wana leswi swi nga ta ndzi tsema, ngopfu-ngopfu nkarhi wun'wana eka vasesi wa mina.

²³⁶ Hikuva, mi swi lemukile leswaku wansati hi loyi a nga tirhisa hi Sathana ekusunguleni. Xikwembu xi hlawule wanuna. Sathana a hlawula wansati.

²³⁷ Wansati u katekisiwile, xivangelo, ku va a va mufumbarheli loyi a nga tisa Yesu Kreste emisaveni. Sweswi, Yaloye a ngari N'wana wa yena. Hinkwerhu ma switiva sweswo. Yesu ku hava na nkarhi na wun'we laha a nga n'wi vitana manana. A nga kalanga a va na... I vayingiseri lava va nga hlanganana, kambe ma ndzi yingisela. Ku hava vusat lebyi byi nga huma eka Maria. Hinkwaswo ka swona swi lo tumbuluxiwa, wanhwana, hi Xikwembu. "Moya lowo Kwetsima wu kombisile." Xexo hi xona xivangelo xa kuva Yesu a nga n'wi vitananga manana. A ngari na xiave na yena, a kuri hava. A ri ntsena mufumbarheli loyi Xikwembu xi nga n'wi tirhisa, ku tisa N'wana.

²³⁸ Xivangelo, loko kuri na xin'wana xa wansati yaloye lexi a xi ri xa Jaha lero, N'wana ya loye, wansati yaloye, (ma swi twisia; n'wina lavakulu ma swi tiva leswi ndzi swivulaka,) ku fanele kuva na maendlelo yan'wana ya mavonelo, maendlelo

yan'wana ya vusati ya huma eka wansati yaloye, ha sweswo, nakona hi ku hetiseka swikotisa timhaka ta masangu na Xikwembu xa Matimba hinkwawo. Swi ngaka swi ngavi tano.

²³⁹ Xikwembu xi tumbuluxile n'wana, havumbirhi tandza na Ngati. Havumbirhi sele, ya wansati na wanuna, Xikwembu xi tumbuluxile. Xexo hi xona xivangelo xa kuva miri wu kurisiwile. Hakunene. A ri wo sungula eka ku pfuka ekufeni. Swingaleswi A nga kalanga a n'wi vitana leswaku manana. Va teri, "Manana wa Wena a ri lahayani a ri karhi a Ku lava."

²⁴⁰ U teri, "I mani manana wa Mina xana?" A ku, "Loyi a endlaka ku rhandza ka Tatana wa Mina, hi yena a nga manana wa Mina." Wa vona? Swingaleswi A nga kalanga na kan'we a n'wi vitana manana. A n'wi vitana "wansati." Sweswo hi leswi a ri xiswona.

²⁴¹ Kutani van'wana va n'wina vanhu vo rhandzeka va Khatholiki mi n'wi endla xikwembu, kumbe xikwembu xa xisati, hosikazi ya Tilo. A hi swona. Ee, a swi tano. A ri wansati wa kahle. Ina, nkulukumba. Hakunene. Kambe a nga tluli wansati un'wana loyi Xikwembu xi nga hlawula ku n'wi tirhisa. Xi nga ha hlawula wansati eka swin'wana. A nga ha n'wi tirhisa, hi ndlela yin'wana. A ri xifumbharhel ntsena, hikuva sweswo hi leswi a ri xiswona, ku endla leswaku Mbewu yi kufumela, na kuya emahlweni tani hi sweswo. Kutani Vutomi byi ta eka N'wana. Kambe Ngati, yi nga "hemoglobin," ha switiva minkarhi hinkwayo, yi huma eka xirho xa xinuna. Nakona a Xi ri xa xinuna, Mutumbuluxi. Wansati a ngava a ri Muyuda...N'wana a ri...

²⁴² Yesu a ngari Muyuda kumbe Wamatiko. A ri Xikwembu. Hi swona sweswo. Xikwembu hi Xoxe xi tumbuluxile miri lowu Xi nga tshama endzeni ka wona. Yaloye a ri N'wana wa Xona, Yesu Kreste. Ku kwetsima kwaloko, ku tswala ka wanhwana loyi a nga tiviki wanuna ku tisile xivumbiwa lexi xa ximunhu, mavonelo yo pfumala xivati ya Moya lowo Kwetsima. Wansati a ngari na nchumu leswi a nga swi endlaka ha swona, hambi tandza kambe sele ya ngati.

²⁴³ Wanuna u na sele ya ngati. Wansati u na tandza. Hi ndlela leyti, ku fanele kuva na maendlelo yan'wana yo tsakelana na ku ehleketa, ku endlela swin'wana leswaku swi humelela.

²⁴⁴ Nakona eka mhaka yaleyo, a kuri hava nchumu handle ka ku kombisa ka Moya lowo Kwetsima, na Xikwembu lexi xi nga tumbuluxa eka wansati. Yaloye i Muponisi wa mina. Handle ka Yena, hinkwerhu hi fambile.

²⁴⁵ Sweswi, van'wana va n'wina vanhu lahayani, n'wina vavasati, mi nga hava mi ri vavasati va Pentekostal, mi ri na nandzu wo ambala swiambalo swa vugangu, mi kerha na misisi ya n'wina, mi endla swilo. Ndza swi lemuka lahayani a California, ku hava votala va vona . . .

²⁴⁶ Kumbe, lahayani a Arizona, kumbexani, a kuna votala ngopfu va vona lava va tiphontsaphontsaku. Lava va nga lwa na swona, na vona. Kunene, ku hava nchumu aBibeleni lowu wu vulaka leswaku n'wina mi nga tiphontsaphontsi. Ntsena ha switiva leswaku swi hoxekile, hikuva i swa misava.

²⁴⁷ Kambe ku na nawu a Bibeleni wa leswaku wansati, loko a kerha misisi ya yena, i munhu loyi a nga xiximekiki. Kutani loko swi languteka hi ndlela yaleyo eka Xikwembu, nakona i ku u na Moya lowo Kwetsima, na ku endla sweswo, swin'wana swi hoxekile.

²⁴⁸ "Ku ambala nguvu leyi yi fambelanaka na ya wanuna." Oho, sesi, la rhandzekaka, mi nga landzeleli misava. Tshika misava. Khomelela eka Kreste.

Mi ri, "Swi hambane kwihi?"

²⁴⁹ "Ku katekile loyi a endlaka milawu ya Yena hinkwayo, leswaku a nga hava na nfanelo yo nghena eka Murhi wa Vutomi." "Ku va na nandzu hi lexintsongo i nandzu wa hinkwaswo."

²⁵⁰ Mi tiva ku antswa. Loko mi ri na Moya lowo Kwetsima, hakunene Wu ta mi byela ku antswa. Wu ta mi byela ku antswa, loko hi leswaku i Moya lowo Kwetsima.

²⁵¹ Sweswi, loko mi ri na nandzu, nakona mi lava ku endla masungulo vusiku lebyi, kutani mi ku, "Makwerhu Branham, a ndzi nga swilemuki sweswo. A ndzo rheta na swona. Ndzi lava kusungula hi vuntshwa. Kusukela eka leswi kuya emahlweni, ndzi ya eku tirheleni Xikwembu." Yimisa voko ra wena, i ku, "Ndzi khongeleti, Makwerhu Branham." Xikwembu a xi ku katekisi. Sweswo swi teka ripfalo. Sweswo swi teka... Xikwembu a xi ku katekisi. Kutani, loko mi swi tiva, leswaku Swin'wana leswi swi nga eka n'wina, swi mi byelaka leswaku mi hoxile, kutani ma switiva leswaku Xikwembu xile kusuhi na n'wina.

²⁵² Kambe loko u twa Rito ri ri erivaleni, nakona u va wa ha tshamile kwalaho i ku, "A ndzi nge swi endlili. A nga switivi leswi a vulavulaka hi swona," nakona mina ndzi ri karhi ndzi tshaha Rito lahayani, wa vona, kutani kuna leswi swi nga hoxeka na leswi swi nga endzeni ka wena. Wa vona? A swova nchumu handle ka nchumu wun'we, i Sathana. Hi swona. Swi lwisana na Xikwembu. Swi lwisana na kulerisa ka Xona. Swi lwisana na Rito ra Xona.

²⁵³ Un'wana u teri eka mina, ku nga ri khale ngopfu, muchumayeri wo duma. U teri, "Makwerhu Branham." U ndzi vitanele ekamareni ra yena, a ndzi tlhandleka mavoko. A ku, "U ya mbundzumuxa ministri wa wena."

Ndzi ku, "Yini?"

²⁵⁴ A ku, "Minkarhi hinkwayo u tshamela ro kapetela vanhu, hi ndlela leyi va endlaka hi yona." A ku, "Hikokwalaho ka yini... vanhu va ehleketa leswaku u muprofeta."

Ndzi ku, "A ndzi muprofeta."

²⁵⁵ A ku, "Kunene, vanhu va ehleketa leswaku u yena. Hikokwalaho ka yini u nga va dyondzisi swilo swa ximoya, hilaha va nga amukelaka hakona minkateko leyikulu ya ximoya na swin'wana?"

²⁵⁶ Ndzi ku, "Ndzi ngava dyondzisa njhani swilo swa ximoya loko va nga titivi hambi kuri ku titiva ti ABC ta vona xana? Va hava hambi kuri kuva na mikhuva leyinene ya ntolovelio yo fola na Rito, a va swi tshire swi ri swoxe swilo swa ximoya. Loko va nga pfumeli swilo swa misava, va nga swi pfumela njhani swilo swa le tilweni?"

A ku, "Kunene, ntsena u ta mbundzumuxa ministri wa wena."

²⁵⁷ Ndzi ku, "Ministri wun'wana na wun'wana lowu wu nga ta mbundzumuxa hi Rito ra Xikwembu, wu ta mbundzumuka." Wu vuyelani a Ritweni. Hi swona sweswo.

²⁵⁸ Sweswi, loko u zaha tisigarete, na kuya emahlwени tani hi sweswo, ni ku koxa leswaku u na Moya lowo Kwetsima, wa nyumisa. N'wina vavanuna! Mi ri, "Hikokwalaho ka yini u hlawula vavasati?" N'wina vavanuna n'wina mi pfumelelaka vavasati va n'wina va swi endla sweswo, oho, nkulukumba, u ri karhi u tivitana Mukreste, wa nyumisa.

²⁵⁹ Ndza switiva leswaku leswi swa nonohwa. Kambe, makwerhu, i—i nkarhi wo tsemelela. I nkarhi wa Moya lowo Kwetsima leswaku wu ta, ku ta teka Mutekiwa wa Yena. Nakona loko a nga foli na Rito ra Yena, kutani ku tava kuri na swin'wana swo hoxeka.

²⁶⁰ N'wina lava mi nga wa, mi tshamaka emakaya hi Wavunharhu na vusiku kutani mi nga ti lahwani a kerekene, mi hlalela tithelevhixini, na vusiku byin'wana bya kerekene! Ehleketa, hakunene mi—mi ri, loko u fanele hi ku ta ekerekene, wo fanela ku tisukumetela ku swi endla, hikuva u ehleketa leswaku i nawu ku swi endla. Wo fanela ku swi endla. Swa xiximeka ku swi endla. Nakona loko u nga swi lavi ku swi endla, ku na swin'wana leswi nga hoxeka. Ku na Moya lowo Kwetsima lowu wu endlaka u rhandza ku tirthela Xikwembu.

²⁶¹ Sweswi, ha sweswo, loko tinhloko ta n'wina ta ha korhamile, hinkwavo lava va swi twaka leswaku va tsakela ku endla masungulo eka Xikwembu, vusiku lebyi, yimisa voko ra wena. Ntsena un'wana na un'wana loyi a nga lahwani sweswi, ntsena tlakusani mavoko ya n'wina, un'wana na un'wana, hinkwako. Xikwembu a xi ku katekisi, a xi ku katekisi, na wena, na wena, na wena, na wena. Xikwembu a xi mi katekisi. Swi kahle. Ndzi ya eku mi khongeeleni.

²⁶² Tatana wa le Matilweni, sweswi ndzi vulavurile Marito ya Wena ndzi ma veka erivaleni ni ku twisiseka, ni kuva ya tsemelelekile, tani hilaha ndzi swi tivaka leswaku njhani. Kungari ku hambana; loko ya lawa hi leswaku ku tava kuri maendlelo ya mina, Hosi, a ndzi tava ndzi ri un'wana ealtarini. Kambe loko ndzi vona un'wana, boti wa mina kumbe sesi, va nwela eka byatso bya khale lebyi pfutaka, nakona ndzi nga va huweleli, kumbe ku va tshinya, kumbe hi maendlelo yan'wana ya kuva va huma eka xiyimo xexo, swi vula leswaku a ndzi va rhandzi. Ndzi le ku ringeten i ka kuva humesa, Hosi, leswaku va nga ha hlaiyiseka.

²⁶³ O Xikwembu xa Matilo, ndzi khongelela un'wana na un'wana loyi a nga yimisa mavoko ya vona. Ndzi vona na totala tintombhi leti nga boba misisi ti yimisile na mavoko ya tona ehenhla, na tintswalo leti ti ringaneleke ha vona kufikela laha va switivaka leswaku va hoxile. Ku na votala lava va nga yimisangiki. Sweswi, hi Wena Muavanyisi wa sweswo. Kambe ndza khongela, Xikwembu, leswaku U tava ponisa lava. Hi nyike swona. Hambi...

²⁶⁴ Vavanuna lava va nga yimisa mavoko ya vona, majaha-ntiyela va matimba va nga tshama na vavasati va vona, na kuya emahlweni, va yimisile mavoko ya vona. Vanhu lavakulu va yimisile mavoko ya vona. Sweswi, Tatana, hi fanele ku tshika misava na swilo swa misava, kumbe a hi nge swikoti ku Ku tirhela.

²⁶⁵ Ndza khongela leswaku U ta tivonakarisa wena hi Wexe vusiku lebyi hi maendlelo ya leswaku vanhu va ta swi vona sweswo, Rito leri ri nga vuriwa. Vanhu va nga ha vula swin'wana na swin'wana. Kambe loko Xikwembu xi ta xi ta tiyisisa Rito ra Xona, swi khorwisa leswaku i Rito ra Xona, swingaleswi hi sele hi ngari na xibajelo. Ndza khongela, Tatana, leswaku U ta hi nyika swona vusiku lebyi. Nakona tani hiloko vanhu lava...

²⁶⁶ Kumbexani votala va vona i vadyohi. Votala va yimiserile mavoko ya vona ehenhla, tani hi vadyohi. Kutani ndza khongela, Tatana, tani hiloko va ha vona ku vonakarisiwa... Nakona hi tshembhela leswaku U ta swi endla vusiku lebyi, u ta tikombisa hi Wexe, leswaku makumu ya fikile. N'wana loyi a nga languteriwa u ta fika ku ngari khale eka Mbewu ya Abraham, nakona Sodoma yaleyo yi ta hisiwa.

²⁶⁷ Siku rin'wana ku ta pfumaleka na ribye leri ri nga ta salela ehenhla ka rin'wana, ra Phoenix. Nkova wu ta kukuriwa wu basa. Edorobeni vusiku lebyi laha vuoswi, ku nwa ka swihoko, vamanana vo zaha tisigarete, vanhwenyana, ku densa, ku tisohasoha, kuya emahlweni, vavanuna va hanya hi vugangu, vudyoho bya doroba leri! O Xikwembu, kambe ndzi languta ehansi eka swona, niku ehleketa leswaku, "Swi pfuna yini hambi kuri ku ringeta?"

²⁶⁸ Kambe ndzi languta ehansi lahaya ni ku vona Layiti leyintsongo *lahawani* na *lahaya*, Mukreste wo tinyikela, a khongela. “Hinkwavo lava va nga hefemuteka ni ku rilela manyala lawa ya nga endliwa exikarhini ka doroba, Ntsumi yi lerisiwile ku vekela Xilemo ehenhleni ka vona, ku va fungha, nakona hi van’wana lava va nga taka va nga lovisiwi.” Ndza khongela, Tatana, ku tava na votala lava va nga ta nyikela Vukreste, n’wana loyi a nga vuriwa, loyi a nga chaviki ku vitana vanhu lava leswaku va huma. Xikwembu, namuntlha, hi pfumeleli hi vulavula swilo leswi swi nga lulama.

²⁶⁹ Nakona ku tava na Siku ra Kuavanyisa leri ri taka, kutani kwalaho a ku ngevi na xibajelo, hikuva Hungu leri ra vusiku lebyi ri ta hoxiwa eka xikirini, matende ya xibakabaka, nakona hinkwerhu hi ta hlamula. Swingaleswi ndza khongela, Tatana, leswaku U ta yimbisa timbilu ta vona kusuka eka swin’wana na swin’wana swa misava, leswaku va nga ha hanya hi ku khongela eka misava leyi ya sweswi. Ha swikombela hi Vito ra Yesu. Amen.

²⁷⁰ Ndzi khomeleni ku mi khomeleta. Hina... Ndzi—ndzi hlwerile hakunene. Nakona a ndzi—ndzi... A ndzi fanele ndzi humile. Nkarhi lowu nga hundza... Vusiku byin’wana na byin’wana, ndzi va ndzi humile ndzi ri ehandle, hi awara ya khume, loko ndzi hlwele ngopfu. Ndzi lavile ku huma hi hafu ku bille awara ya nkaye vusiku bya namuntlha. A ndzi swi endlanga.

Sweswi, ntsena yimani nyana, ku vekela xi—xi xilemo eka leswi ndzi nga swivula.

²⁷¹ Sweswi, hakunene, a ndzi muchumayeri. Un’wana na un’wana wa switiva sweswo. A ndzi dyondzanga, ni ku tirhisa marito ya mina ya le Kentucky ya ku, “yena,” “a nga tano,” na “nhalayo,” na ku “teka,” na ku “rhwala,” na “mhuti donki ya vona.” Nakona ma swi tiva leswaku a ndzi muchumayeri kukotisa sweswo. Ndzi hava dyondzo leyindzi nga vaka na yona.

²⁷² Kambe ndzi Mukreste. Hosi Yesu u ndzi ponisile evudyohweni. Ndza switiva sweswo. Nakona U ndzi nyikile Rito rin’wana ku ta tiyisisa swintsongo leswi ndzi switivaka. Nchumu wun’we ntsena, a ndzi ringeti ku nghenisa tinhlamuselo tin’wana ta xihundla. Ntsena ndzo Ri hlaya. Nakona leswi Ri swi vulaka, ndzi vula swo fana. Wa vona? Sweswo hi swona hinkwaswo ndzi swi tivaka. Wa vona? Sweswi, loko swi nga hlamusetiwanga kahle, a ndzi switivi. Ntsena ndzi swivula kuya hilaha swi nga tolokisiwa xiswona *lahawani*. Wa vona? Nakona minkarhi hinkwayo U tshama endzhaku ka swona, a tlhela a swi seketela.

²⁷³ Ndzi pfumela leswaku Yesu Kreste u le ku vuyeni ku ngari khale. Ndzi pfumela leswaku wa ha ri Yena Yesu, wa tolo, namuntlha, ni hilaha ku nga heriki. Ndzi pfumela leswaku U teri, “Ku ngari kungani, kutani misava,” khosmos, xi nga

xileriso xa misava, “a xi nge he hi voni...a xi nge he Ndzi voni. Hambi swi ri tano, n’wina mi ta Ndzi vona, n’wina, ku nga Kereke, hikuva Mina,” i riviti ra ximunhu, “Ndzi tava na n’wina, ndzi tshama endzeni ka n’wina, ku ya fika emakumu ya misava. Mintirho leyi Ndzi yi endlaka mi ta yi endla na n’wina.” Ma swi pfumela sweswo xana? [Nhlengeletano yi ku, “Amen.”—Muhleri.] Hi kuma mintirho leyi Yena a nga yi endla, hilaha A tivonakarisaka hi Yexe hakona.

²⁷⁴ Ndza khongela, evusikwini lebyi, leswaku Xikwembu xi ta teka kereke leyi...Sweswi, a swi na mhaka ni leswaku Xi ta ndzi tota kufika kwihi, Xi ta fanelu ku mi tota, na n’wina. Wa vona? A swi khathaleki leswaku i kangani Moya lowo Kwetsima wu ringetaka ku vulavula *lahawani*, Wu fanele kuva na swin’wana *lahaya*, ku ta swi yingisela.

²⁷⁵ Yesu u hundzile ntlawa wa vanhu, siku rin’wana, nakona a va ri ekuhuweleleni va ku, “Rabi, Rabi, hi tsakile ku va na wena lahawani, *swingere-ngere*.” Yesu ntsena u lo tifambela a ya emahlweni.

²⁷⁶ Nakona a kuri na wansati lontsongo loyi a nga ta a ta khumbha emakun’wini ya nguvu ya Yena, a tlhelela endzhaku a ya tshama ehansi. Yesu u yimile a ku, “I mani loyi a nga Ndzi khumbha?”

²⁷⁷ Hikokwalaho ka yini, Simon Petro u teri eka Yena, tani hiloko, hikokwalaho ka yini, i N’wi tshinyile. A ku, “Kunene, U vurisa ku yini swilo swa muxaka walowo xana? Un’wana na un’wana u le ku Ku khumbheni.”

²⁷⁸ U teri, “Kambe Ndzi twisia leswaku ndza tsana. Matimba,” laha ku nga ntamu, “wu sukile eka Mina.”

²⁷⁹ U langutile hinkwako eka vayingiseri. A kuri na loyi a N’wi pfumela. Swi ngari na mhaka, swi nga ha endleka ku vile na madzana kwalahaya, kambe ku vile na loyi a nga pfumela. U kumile wansati yaloye lontsongo, a n’wi byela hi vuvabyi bya yena bya ngati, leswaku byi yimile, nakona u hanyisiwile. A hi swona xana? [Nhlengeletano yi ku, “Amen.”—Muhleri.] Yana emahlweni. Wa vona? Wa ha ri Yena wa tolo, namuntlha, ni hilaha ku nga heriki.

²⁸⁰ Sweswi, hi na makhadi lawa hi nga ma phakela. Hi phake hafu ya wona, lahaya vusiku bya tolo, hafu ya wona vusiku lebyi.

²⁸¹ Xana hi sungule eka rosungula, vusiku bya tolo? Xana hi ngava hi sungule hi ro sungula ra khume ntlhanu kumbe makume mbirhi, vusiku bya tolo, kusukela eka un’wana ku ya eka *swingere-ngere*? Xana hi rihi? U ri yini? [Un’wana a ku, “Makume mbirhi.”—Muhleri.] Ro sungula ku fika eka makume mbirhi. Hi swona. Vunyingi bya wona ya kona lahawani vusiku lebyi.

²⁸² A hi nyikeni van’wana endzhaku ka rona, kwalaho. A hi sungulen. A hi voneni. Hi na khume ntlhanu wa timinetse, a

hi nyikeni khume ntlhanu wa makhadi, kwalaho. A hi voneni, lero ri tava ri ri makume nhungu-ntlhanu kuya eka dzana. A hi sunguleni eka makume nhungu-ntlhanu, kuya eka dzana.

²⁸³ I mani loyi a nga na khadi ra xikhongelo ra nambara ya makume nhungu-ntlhanu? Yimisa voko ra wena. Makume nhungu-ntlhanu, wansati endzhaku lahaya? Tana haleno, sesi. Makume nhungu-ntsevu, i mani loyi a nga na makume nhungu-ntsevu? Lahawani. Makume nhungu-nkombo, makume nhungu-nkombo. Un'wana a yimisi voko ra yena, makume nhungu-nkombo. Wanuna loyi, makume nhungu-nkombo. Makume nhungu-nhungu, makume nhungu-nhungu. Makume nhungu-nkaye, makume nhungu-nkaye. Makume nkaye, makume nkaye-n'we, makume nkaye-mbirhi, makume nkaye-nharhu, makume nkaye-mune, makume nkaye-ntlhanu, makume nkaye-ntlhanu. Ina. Makume nkaye-ntsevu, makume nkaye-nkombo. Makume nkaye-ntsevu, a ndzi vonanga loyi a nga yimisa, makume nkaye-ntsevu. Sweswi, loko u ri na khadi ra wena, tana. Wa vona? Makume nkaye-nkombo, makume nkaye-nhungu, makume nkaye-nkaye, dzana. Hi swona. Loko vanhu lava... Un'we, mbirhi, nharhu, mune, ntlhanu, ntsevu, nkombo, nhungu, nkaye. Ku na kwalomu ka nhungu va xotaka.

²⁸⁴ Sweswi yingiselani. I ntiyiso. U nga ti lahwani na vudyoho lebyi nchikinyhaka evuton'wini bya wena. Swa antswa u tivula lahaya, eka Xikwembu. Kambe loko-loko u ri na byona, loko u tivurile vudyoho bya wena, tana.

²⁸⁵ I vangani lava va nga kwalaho va pfumalaka khadi ra xikhongelo, nakona u lava Yesu leswaku a ku hanyisa? Yimisa voko ra wena. I vangani va nga ta pfumela, loko hi leswaku Yesu Kreste u ta swi endla... Loko Yena... I vangani va swi pfumelaka leswi xana?

²⁸⁶ Langutani. Ndzi ta kombela vaministara lava va nga endzhaku ka mina. Vamakwerhu, swi ntiyiso, tani hi vaministara va Evhangeli, hi pfumela leswaku Bibele, ya Testamente Leyintshwa, Buku ya Vaheveru, yi ri, leswaku, "Hi Yena Muprista Lonkulu sweswi"? [Vaministara va ku, "Amen."—Muhleri.] "Muprista Lonkulu loyi a nga khumbhiwaka hi matitwele ya vugono bya hina?" A hi swona xana, vamakwerhu? ["Amen."]

²⁸⁷ I vangani lava va nga kwalaho va switivaka leswaku Bibele yi vula leswaku, "I Muprista Lonkulu"? [Nhlengeletano yi ku, "Amen."—Muhleri.]

²⁸⁸ Kunene, loko A ri Muprista Lonkulu loyi a nga khumbhiwaka hi matitwele ya vugono bya hina, sweswi, xana Yena ke? Loko Yena a ha ri wa tolo, namuntlha, ni hilaha ku nga heriki, xana U endla yini loko un'wana a N'wi khumbha hi matitwele ya vugono bya vona? Wansati lontsongo na

vuvabyi bya ngati, loyi a nga N'wi khumbha, hikuva a ri na xilaveko xa kuva a khumbhiwa; U hundzulukile, a languta hinkwako kufikela laha A n'wi kumaka, a n'wi vitana. A hi swona xana? A hi swona, vamakwerhu? [Vaministara va ku, "Amen."—Muhleri.] Sweswi, loko a ha ri Yena Muprista Lonkulu, U ta fanela kuva na maendlelo yo fana, hikuva hi Yena mu—hi Yena Muprista Lonkulu. A hi swona xana? ["Amen."] Kunene, U ta fanela ku va na maendlelo yan'we.

²⁸⁹ Sweswi, a mi kali mi lava makhadi ya xikhongelo. Ee. A wu kali u lava khadi ra xikhongelo. Nchumu lowu u wu lavaka ntsena i kuva na ripfumelo eka Xikwembu. U va na ripfumelo, pfumela ntsena hi mbilu hinkwayo ya wena leswaku Yesu Kreste wa hanyisa vavabyi ni lava va xanisekaka, kutani hakunene U ta swi endla.

²⁹⁰ Sweswi, a hi korhamiseni tinhloko ta hina xinkadyana hi ta khongela sweswi, nakambe, ku nga se vuriwa swin'wana kumbe ku endliwa. Sweswi, a ndzi vuli leswaku U ta swi endla. Ndzi tshembha leswaku U ta swi endla. Kambe ndza—ndza pfumela, kutani ndzi tshembha leswaku U ta swi endla. Sweswi, loko hi leswaku U ta swi endla, i vangani va n'wina mi nga ta pfumela? Yimisani mavoko ya n'wina. Leswaku A nga ha swi nyika, i xikhongelo xa mina.

²⁹¹ Tatana wa le Matilweni, sweswi ndzi vule leswi Rito ra Wena ri swivulaka, "Ku tshika hinkwaswo, ku landza Wena." Lava va nga tshika hinkwaswo, va ta Ku vona. Nakona swi ngari na mhaka ni leswaku U ta endla yini, lava va nga taka va nga tshika vudyoho niku ku landza, a ve nge swikoti ku swi twisia. Lava va nga tshika vudyoho, ku ka va nga pfumeli...

²⁹² Ha switiva leswaku vudyoho i ku ka u nga pfumeli. Swingari na mhaka ni leswaku hi hanya ku kwetsima ku fika kwihi, hinkwaswo leswi hi swi endlaka, loko ha haya emahlweni ni kuva hi nga pfumeli, hi vadyohi. Bibebe yi vula tano, "Loyi a nga pfumeriki u avanyisiwile khale." Swingaleswi ha switiva leswaku hi boheka ku pfumela "Rito rin'wana na rin'wana leri ri humaka enon'wini wa Xikwembu." Reri ri nga tava vuswa bya hina bya siku rin'wana na rin'wana.

²⁹³ Kutani ndza khongela, Tatana, leswaku, tani hilaha ndzi tshaheke kusuka eka Matsalwa vusiku lebyi, switshembhiso swa Wena swa masiku lawa yo hetelela, ni leswi hi faneleke ku swi langutela eka masiku lawa yo hetelela. Loko sweswo swi ri swona, Hosi, kutani tiyisisa Marito lawa hi masingita lawa ya nga ta landzela. Swi nyike.

²⁹⁴ Ndza ti tisa eka Wena, na Rito, na vanhu. Ndza khongela, Tatana, leswaku U ta yimbisa timbilu leti ti nga lahaya, ku pfumela hi timbilu ta vona hinkwato, kutani ngopfu-ngopfu lava va nga tava eka layini ya xikhongelo. Nakona pfumelela

vanhu va vona Mesiya, Yesu Kreste, loyi a nga Moya lowo Kwetsima, wu na hina vusiku lebyi. U kona eKerekeni, Kereke ley i nga Hlawuriwa, lava va nga vitaniwa, Mbewu ya Abraham, hi xitshebbiso xa vukosi. Swi nyike, hi Vito ra Yesu. Amen.

²⁹⁵ Sweswi, sweswi mi nge ndzi languta, xinkadyana. Sweswi, ntsena hi ya teka nkarhi wa hina, kuringana timinetse tintsongo, ntsena tintsongo, kwalomu ka khume ra timinetse.

²⁹⁶ Ma N'wi rhandza xana? [Nhlengeletano yi ku, "Amen."—Muhleri.] Ma N'wi pfumela hakunene? ["Amen."] Ma swi pfumela swilo leswi ndzi nga mi hlayela swona swi huma eRitweni vusiku lebyi leswaku i ntiyiso xana? ["Amen."] Ma pfumela leswaku Yesu u swi endlile sweswo loko A ha ri emisaveni xana? ["Amen."] Ma pfumela leswaku U swi tshembhisile xana? ["Amen."] Ma pfumela leswaku hi le masikwini ya makumu xana? ["Amen."] Sweswi, sweswo hi swona switshembiso swa Yena. U boheka ku swi hanya. "Loko mi tshama eka Mina, na Marito ya Mina ma tshama eka n'wina, kutani kombelani leswi mi swi lavaka. Mi ta endleriwa swona." Sweswi, nhlohlotel o wa n'wina na mavonelo swi fanele ku lulama. Mi fanele ku swi pfumela sweswo hi timbilu ta n'wina hinkwato.

²⁹⁷ Sweswi, a ndzi pfumeli leswaku ku na munhu loyi ndzi n'wi tivaka elayinini ya xikhongelo. Hi valuveri. Ndzi muluveri. *Lahaya*, i valuveri. Hinkwerhu n'wina mi switivaka leswaku a ndzi tivi nchumu ha n'wina, n'wina mi nga eka xilayinani xintsongo xa xikhongelo *lahawani*, yimisani mavoko ya n'wina, n'wina mi swi tivaka leswaku a ndzi tivi nchumu ha n'wina. Hi swona. Hinkwerhu n'wina mi nga *lahaya*, n'wina mi swi tivaka leswaku a ndzi mi tivi, kumbe ndzi nga tivi nchumu ha n'wina, yimisani mavoko ya n'wina, ntsena vonani. Kwalaho mi nga kona. Kutani, i timhaka leti ti nga fihiwa. *Lahawani* hi van'wana lava va nga na makhadi ya xikhongelo. *Kuna* van'wana lava va pfumalaka makhadi . . .

²⁹⁸ Khadi ra xikhongelo a rova nchumu kambe kova xikhadana lexi xi nga na nomboro eka xona. Ntsena ku mi nyika nambara, jaha ra ta ri fika ri ma chovhachocha, nakona un'wana na un'wana loyi a ri lavaka khadi ra xikhongelo a nga hava na rona. Nakona a nga switivi, ku hava loyi a switivaka, kwihi. Kunene, a nge switivi loko makhadi ya chovhiwile, kusuka eka ndhawu yin'wana kuya eka yin'wana. A va switivi leswaku i mani a nga tava eka layini ya xikhongelo, hikuva hi ngaka hi nga swivuli sweswo. Minkarhi yo tala, ha va teka ehansi lahaya . . .

²⁹⁹ Loko ndzi tava ndzi sungurile, hi vile na munhu lahaya loyi a nga sungula ku xavisa makhadi ya xikhongelo. Un'wana u teri, "Ndzi ta ku nyika ntlhanu wa madzana ya tidolara loko u nga nghenisa nsati wa mina elayinini." Wa vona?

³⁰⁰ Ndzi teke jaha leri ri nga ra mina. Kutani ndzi ku, “Jaha, leswaku u ti basisa evanhwini, leswaku va switiva leswaku a wu xavisi khadi ra xikhongelo, yima emahlweni ka vona, u fika u ma hlanganisela makhadi lawa ya xikhongelo u machovha tani hi *leswi*, kutani u maphakela eka un’wana na un’wana loyi a ma lavaka. Nakona handle ka sweswo, jaha, a wu switivi leswaku ndzi ta vitana kusukela kwahi loko ndzi ta lahawani.”

³⁰¹ I vangani lava va nga swivona sweswo enhlengeletanwini, nkarhi wun’wana na wun’wana? [Nhlengeletano yi ku, “Amen.”—Muhleri.] Ntsena nkarhi hinkwawo, ndza ncinka, kutani ndzi ta *lahawani*, *lahaya*. Kutani, handle ka sweswo, laha un’wana a nga hanyisiwa eka platifomo, ku na khume mbirhi wa lava va nga vitaniwa *lahaya*, wa vona, hi swona sweswo, va ngari na makhadi ya xikhongelo.

³⁰² Swingaleswi i Hosi Yesu Kreste loyi a nga tiviki ku hoxa, la nga tolo, namuntlha, ni hilaha ku nga heriki.

³⁰³ Xana mi ta tshika hinkwaswo, mi N’wi landza xana? Ma swi navela ku tshika ku ka mi nga pfumeli ka n’wina, leswaku mi N’wi landza mi ta hanyisiwa xana? U tshika swa misava swa—swa wena, ku Xi landza hi ku kwetsima, kutani mi N’wi tshunelela. Swi endleni sweswo sweswi. A ndzi vuli leswaku Xi ta swi endla. Loko Xi swi endla, kutani mi ta swi tiva.

³⁰⁴ Wansati loyi a nga yima *lahawani*, lexi i—i xifaniso nakambe, tani hilaha ndzi vuleke vusiku bya tolo, eka Mukwetsimi Yohana 4. Hi loyi wanuna na wansati, va hlanganaka ro sungula evuton’wini. Nakona a kuri a bichini nyana leyintsongo. Loko mi tshame mi va lahaya eSamariya, ehandle ka Sychar lahaya, xi—xi xihlovo lexintsongo. Kuna ku vonakala nyana ka munhu, mudiriva etlhelo ka xona, tani hi *sweswo*. Kwalaho hilaha wansati a tshame kona, a vulavula na Yesu. Wanuna, wansati, va hlangana ro sungula. Nakona U byerile wansati yaloye leswi a swi n’wi karhata. Leswi a swi n’wi karhata, a ri wansati wa vudyoho.

³⁰⁵ Ku nga hava kuri yena. A nga hava a ri mudyohi. A nga hava a ri mutikukumuxi. A nga hava a ri mukwetsimi. Swi nga ha endleka a lava ku hanyisiwa emirini wa yena. Swi nga ha endleka a lava ku hanyisiwa ka un’wana. A nga hava a ri na swa timali. Yena, a ndzi switivi leswaku u tele yini lahawani. Ntsena ndzi ngaka ndzi nga mi byeli. Ntsena u lo tiyimela lahaya, wansati. Hi swona sweswo. Walowo i ntiyiso. A hi se tshama hi hlangana. Kambe loko Hosi Yesu a nga ta lahawani . . .

³⁰⁶ Sweswi, ku n’wi hanyisa, loko a vabya, ndzi ngaka ndzi nga swikoti. Ndzi ngaka ndzi nga swikoti ku endla leswi Xikwembu xi nga swi endla. Sweswi, nchumu wun’we ntsena . . .

³⁰⁷ A ku ta humelela yini loko Yesu a lo yima lahawani a ambale suti ley? Loko a nga ta eka Yesu a fika a ku, “Yesu, U ta ndzi hanyisa xana?”

³⁰⁸ Kunene, A nga ku, “N’wana wa Mina, khale Ndzi swi endlile sweswo. Ndzi vavisiwile hikwalaho ka vudyoho bya n’wina. Hi timbangta Mina mi hanyisiwile.” A hi swona xana? [Nhlenegetano yi ku, “Amen.”—Muhleri.] I ntirho lowu nga tirhiwa.

³⁰⁹ U tile, u ta ku, “Yesu, xana U ta ndzi ponisa xana? U ta ndzi ponisa xana?” Xexo a hi xivutiso. Khale A swi endlile.

³¹⁰ “Hosi Yesu, ndzi amukela Vutshunguri bya Wena. Ndzi mudyohi.” Wa vona? U ponisiwile khale endzhaku lahaya. U hanyisiwile khale endzhaku lahaya. Ntsena wo swi amukela. Hi ripfumelo u ponisiwile. Hi ripfumelo u amukela ku ponisiwa ka wena.

³¹¹ Kutani un’wana a ta, a fika a ku byela leswaku u na matimba yo hanyisa, nakona va nga ha ku hanyisa, u tava... u tshama u ti pime sweswo, hikuva a swi ntiyiso. Matimba yo hanyisa ya le ka Kreste, khale kuri ntirho lowu wu nga hetiseka.

³¹² Loko munhu a nga ku byela leswaku Xikwembu xi n’wi nyike matimba yo rivalela swidyoho swa n’wina, ni ku endla sweswo, u nga swi pfumeli. Hikuva khale va rivaleriwile. Yesu u yimile lahawani vusiku lebyi, nchumu wun’we ntsena, wu ta hlambanya leswaku I N’wana wa Xikwembu.

³¹³ Ku nga humelela yini loko Yena... Ku nga humelela yini loko mavoko ya mina ya tele hi swivati swa swipikiri, na ngati leyti yi humaka eka wona, na mitwa leyti yi nga *lahawani*? Sweswo hambi swi ri tano a swi swiendli Yesu. Sweswo swi tava swi ri nyama ya mina.

³¹⁴ Nakona ha switiva leswaku nyama yaleyo yi tshame evokweni ra xinene ra Xikwembu. Kutani loko yi fika, nkarhi a wu nge hevi kona. Hi swona sweswo. Loko Yesu a ta xika, sweswo swi tava swi hetisekile.

³¹⁵ Kambe U kona lahawani hi xivumbeko xa Moya. Nakona Vutomi bya Yena byi le ndzeni ka n’wina na mina, ku mi nyika ripfumelo na ku ndzi nyika ripfumelo.

³¹⁶ Sweswi, langutani lahawani. Xiteka marito lexi—lexi, loko a kuri hava rito leri ri hanyaka lahawani ku vulavula eka xona, a xi tava xi miyerile hi ku hetiseka. A hi swona xana?

³¹⁷ Sweswi, langutani. Yingiselani hi vurhon’wana, leswaku mi nga swi hupi. Mhaka leyti, loko Xikwembu xi nga swi endla, xi ta swi tshamisisa.

³¹⁸ Sweswi, xiteka marito lexi xi ngaka xi nga ha vulavuli nchumu, hikuva xi hava lexi xi nga vulavulaka ha xona. A hi swona xana? Sweswi, ndlela yin’we ntsena leyti xiteka marito xi nga vulavulaka ha yona, hiloko kuri na swin’wana leswi swi nga vulavulaka eka xona.

³¹⁹ Sweswi, ndzi lahawani. A ndzi n'wi tivi wansati yaloye, a ndzi se tshama ndzi n'wi vona. Yalawa i mavoko ya mina ya nga emahlweni ka Xikwembu, nakona u yimisile mavoko ya yena, leswaku a hi tivani. A ndzi tivi nchumu ha yena. Kambe, kufikela laha swin'wana swi nghenaka *lahawani*, ku ta vulavula leswi nga hoxeka *lahaya*, ndzi loyi a nga miyela, na mina, hikuva a ndzi tivi nchumu. Xikwembu xa switiva leswaku swi ntiyiso sweswo. Wa vona? Swi fanele ku va Swin'wana leswi vulavulaka.

³²⁰ Sweswi, mi nga ha tihlawulela. Loko n'wina, kukotisa Filipi, a ngeteri... Kumbe, Nathanael a ngeteri, "Wena u Kreste, N'wana wa Xikwembu lexi xi hanyaka. Wena i—i Hosi ya Israel." Wa vona? Kumbe, u nga hava vona lava va nge a ri Beelzebub. Wa ku vona laha va nga kona vusiku lebyi? Ku hlamarisa laha Nathanael a nga kona vusiku lebyi? Laha ku ngariki na ku bola. Wa vona? Ti hlawuleli wena n'winyi. Sweswo swi le ka wena. Wa vona?

³²¹ Kambe sweswi ndzi vula leswaku, ndzi rindzerile ku vona loko Yena a ta ndzi nyika ntoto. Loko A nga ndzi nyiki ntoto, kutani kuna nchumu wun'we ntsena lowu ndzi nga wu endlaka, vanghana, i ku tisola, leswaku A nga hlanganganaga na mina vusiku lebyi. Kutani ntsena hi ta tlhandleka mavoko eka vanhu lava va vabyaka hi va khongelela, niku kombela nkateko, ndzi vitana lava va nga twa rito, kutani hi ya ekaya. Sweswo hi swona hinkwaswo hi nga swi endlaka. Sweswo hi swona ndzi switivaka ku swi endla.

³²² Kambe loko Yena a ta, kutani ndzi ehleketa leswaku un'wana na un'wana wa n'wina loyi a nga yimisa voko, n'wina mi lavaka ku vona Kreste, ndzi ehleketa leswaku i ntirho wa n'wina, ntsena loko leswi swi tava swi herile, ku ta lahawani mi ta khinsama, mi ku, "Hosi Yesu, sweswi ndza tinyikela eka Wena."

³²³ Hikuva, loko ndzi ri muhembia, A ngaka a nga tiyisisi muhembia. A tava A ngari na lexi a nga xi endlaka hi vudyoho. Xikwembu xi ngaka xi nga swi endli. Kambe loko ndzi mi byerile Ntiyiso, kutani Wa bohiwa hi Rito ra Yena, ku—ku—ku ta khorwisa leswaku i Ntiyiso.

Xikwembu, hi nyiki swona.

³²⁴ Sweswi ntsena xiximani. Wa vona? Hinkwako eka vayingiseri, ntsena xiximani.

³²⁵ Ndzi nga ha vulavula na wena xinkadyana, manana, ntsena swin'wana. A ndzi twi ntoto ehenhla ka mina. Nakona a ndzi—ndzi ku tivi, nakona hi swona sweswo. Sweswi, nchumu wun'we lowu ndzi wu lavaka leswaku mi wu endla, loko ndzi nga ku vutisa swin'wana, ntsena u nge "ina" na ku "ee." Wa vona? Sweswi, xivangelo xa kuva ndzi endla leswi... Ntsena a hi tekeni swin'wana, leswaku swi nga ha... .

³²⁶ A hi kali hi swi lava ku tshika Matsalwa. Hi lava ku tshama eMatsalweni, kutani hi tava hi switiva leswaku hi kahle.

³²⁷ Sweswi, xikombiso, Yesu, sweswi, A ri ehansi eka tiko rin'wana. Nakona A ri endleleni ya Yena yo ya eYerikho, leyi a yi kongomane na ntshava. Kambe Ü lavile ku ta hi le Samariya, hi ndlela *leyi*. Sweswi, Tatana u N'wi rhume lahaya. Yesu u teri . . .

³²⁸ Eka kuavanyisa loku ku landzelaka, kuavanyisa ka vu5, loko A tava a hanyisile munhu loyi a ri na ku xaniseka kun'wana. Magidi ya vanhu a va pavalarile kwalahaya, mintshungu xa swilema, mabofu, lavo khwita, lavo oma swirho, va rindzele ku pfindluswa ka mati. Kutani Yesu u tile hikwalahaya, kutani A vona munhu loyi a ri na vuvabyi bya ku nonoka, nkarhi wun'wana TB, kumbe vuvabyi bya yununa, kumbe swin'wana. Kutani I n'wi hanyisile, hikuva a switiva leswaku U kwalahaya, hikuva A switiva leswaku u le ka ndlela yaleyo. A ya emahlweni, a hundza mintshungu leyin'wana kwalahaya. A ya emahlweni, a famba. Ha switiva leswaku walowo i ntiyiso. Hi swona? [Nhlengeletano yi ku, "Amen."—Muhleri.]

³²⁹ Va kumile, Mayuda va N'wi kumile, va N'wi vutisa swivutiso. Va nga ha N'wi vutisa nakambe vusiku lebyi. "Hikokwalaho ka yini Yena? Loko Yena a ri na ntvela vusiwana, niku rhandza un'wana na un'wana, hikokwalaho ka yini A tshikile ntshungu walowo hinkwawo wa swilema, mabofu, lavo khwita, lavo oma swirho, va pavalarile lahaya?"

³³⁰ A hanyisa munhu un'we ntsena loyi a nga vabyi ngopfu. A byi nga ta n'wi dlaya. A ri na byona, kuringana makume nharhu-nhungu wa malembe. A byi ri byo nonoka. A nga ha famba. A ku, "Loko ndzi ya exidziveni, un'wana wa ndzi ba kwalahaya." Wa vona? "Un'wana wa ndzi rhangela ku nghena." Kambe U hanyise munhu yaloye un'we a kwetsima.

³³¹ Kutani loko A tava a vutisiwile swivutiso, hi lawa Marito ya Yena. Mukwetsimi Yohana 5:19, "Ndzi vurisile, ndzi vurisile, Ndzi ri eka n'wina, N'wana a nga swikoti ku tisungulela a tirha nchumu hi Yexe; kambe leswi a swi vonaka swi tirhiwa hi Tata wa Yena, N'wana wa swi endla na yena."

Swingaleswi loko A ya a Samariya, Hosi yi N'wi yisile kwalahaya.

³³² Sweswi, Hosi yi ndzi yisile, nandza wa Yona, ePhoenix. Yi ndzi tisile lahwani madyambu lawa. Sweswi hi mina loyi, ndzi Yi koxaka.

³³³ Sweswi, loko Yesu a taya eSamariya, xosungula lexi A nga xikuma a kuri wansati loyi a nga ta emahlweni ka Yena. U vulavurile na yena ku kondza A kuma xiyimo xa yena. Loko A tava a n'wi byerile, hi ku hatlisa u swi lemukile loko a nga va a ri muprefeta kumbe Mesiya loyi a nga tshephisiswa. U vule leswaku hi Yena Mesiya. Wa vona?

³³⁴ Swingaleswi ha switiva leswaku vaprefeta a vari kona eka masiku lawa ya nga hundza. Namuntlhia i Kreste. "Xikwembu

eminkarhini ya khale na hi maendlelo yo hambana xi vulavurile na vatatana hi vaprofeta; emasikwini lawa yo hetelela hi N'wana wa Xona, Kreste Yesu," laha ku nga Moya lowo Kwetsima lowu wu nga endzeni ka hina.

Sweswi U kona lahawani.

³³⁵ U kale u swi lemuka sweswo. [Sesi a ku, "Ina."—Muhleri.] Ndzi lava ku ku yutisa, tani hi Mukreste un'wana eka un'wana. Ntsena tani hiloko ndza ha languta lahaya, u nga ha vula swin'wana leswi swi nga humelela, swo tsokombela, Moya wo titsongahata. A hi swona xana? Yimisa voko ra wena loko sweswo ku ri ntiyiso, leswaku vanhu va ta swivona. Wa vona? Sweswi, kona sweswi, hi ku languta eka wansati, loko mi nga n'wi vona, ku vona lahaya, Layiti ya xirhendzevutani. Yi le ku famba-fambeni eka wansati.

³³⁶ Sweswi u sukile eka mina. Ee. Ri le ka un'wana. I wansati un'wana. I, u le ku khongeleleni ka wansati, un'wana. I n'wingi wa wena. [Sesi a ku, "Ina."—Muhleri.] Nakona u na—na ku karhatiwa hi yinsu. ["Ina."] Nakona—nakona o va na yinsu yin'we ntsena. ["Ina."] Nakona wa chava leswaku ku ngava mfukuzani. Sweswo hi swona swi nga ku endla leswaku u va lahawani, ku ta ndzi kombela leswaku ndzi n'wi khongelela. ["Ina."] Sweswo hi LESWI HOSI YI SWI VULAKA. Wa pfumela xana? Famba, u pfumela hi mbilu ya wena hinkwayo, nakona a ve nge he fanele ku yi susa. U nga kanakani. Teka nchumu walowo u nga na wona evokweni, u fika u n'wi tlhandleka wona.

³³⁷ Ma pfumela hi mbilu ya n'wina hinkwayo xana? [Nhlegetano yi ku, "Amen."—Muhleri.]

³³⁸ Ku njhani? A hi tivani, nakambe, un'wana eka un'wana. Hi hlangana ro sungula. Nakona loko...Xikwembu, hi N'wana wa Xona, Yesu Kreste, xi rhumerile Moya wa Xona. Yesu u teri, "Laha vambilhi kumbe vanharhu va nga hlengeletana kona hi Vito ra Mina, Ndzi tava exikarhi ka vona." Xexo i xitsembhiso xa Yena, a hi xona xana? Sweswi, A ngaka a nga tlheleli endzhaku eka xitsembhiso xa Yena.

³³⁹ Nchumu wun'we ntsena, leswaku, hi rhombile eripfumelweni, ku fikela laha hi hlulekaka ku N'wi vona. Hi xona xivangelo xa kuva Xikwembu xi rhumela vaprofeta emisaveni. Wa vona, vanhu a va hilayi Bibele ya vona. Nakona a va—a va swi endli. Ntsena vo famba, swingaleswi Xikwembu minkarhi hinkwayo xi rhumela sayini. Nakona hi ntolovelu muprofeta i sayini. Wa vona? Nakona namunttha Moya lowo Kwetsima i Sayini ya hina, hikuva hi Yena Muprofeta wa Xikwembu a famba-fambaka eka hina. Hi Yena Muprofeta wa Xikwembu, Sayini ya le masikwini yo hetelela.

³⁴⁰ Sweswi, ndzi ngari eku mi tiveni, ni kuva ni nga tivi nchumu ha n'wina. Kambe loko Hosi Yesu Kreste, laha ntsena

ndzi nga swivula, swi huma eBibeleni, a ta vulavula ha mina niku ndzi byela leswi u nga yimela swona kwalaho, swi ta ku endla leswaku u pfumela xana? [Sesi a ku, “Ina.”—Muhleri.] Xana swi ta endla leswaku vayingiseri va pfumela xana? [Nhlelgeletano yi ku, “Ina.”]

Sweswi, Tatana u yingiserile. Ndza switiva.

³⁴¹ U xaniseka hi ku rhurhumela. Hi swona sweswo. Loko sweswo swi ri swona, yimisa voko ra wena.

³⁴² Sweswi, un’wana loyi a nga lahaya u ehleketa leswaku ndzo swi vhumba sweswo. Sweswi, u ngaka u nga swi tumbeti sweswi, makwerhu. Swi ta lahawani. Wa vona? Ndzi na swona sweswo. A wu swi pfumeli sweswo xana. A wu kali u swi pfumeli sweswo. Sweswo i vudyoho. Sweswo i ku ka u nga pfumeli. Xikwembu xi ta kuavanyisela swona. U ta ti hlamulela hi Siku ra Kuavanyisa. Ndzi nga swi vitanisa xisweswo, kambe minkarhi yo tala ndzi kumeka ndzi ri ekhombyeni.

³⁴³ A ndzi switivi leswi A nga ku byela swona. Ntsena yima nyana. Ina, hi lowuya lahaya, ndzhuti. I wo rhurhumela, ku ka u nga tiyanga. Swa ku tsanisa, swa ku khunguvanyisa, i vile na swona nkarhi wo leha. Hi swona sweswo. Wa ha ri na swin’wana swi ku karhataka, na swona. U na un’wana loyi u nga eku n’wi khongeeleni. Nuna wa wena, a nga exibendlhele, a karhatiwaka hi khwiri, ntsena u na vuhandzuri. Manana Good, tiyeli ekaya, u pfumela hi mbilu ya wena hinkwayo. Nakona u fika u n’wi tlhandleka xexo, nakona u ta—u ta hanya. Xikwembu a xi ku katekisi.

³⁴⁴ Xana Wa ku tiva wena? Wa vona? Hakunene, Wa ku tiva. Ndza swivona. Sweswo... A wu swi lemuki leswaku Yesu ya luya a nga famba a Galeliya wa ha ri Yesu loyi a nga lahawani Yusiku lebyi? [Nhlelgeletano yi ku, “Amen.”—Muhleri.] Xana a mi swi lemuki sweswo? [“Amen.”]

³⁴⁵ Sweswi, a ndzi tivi nchumu ha swona... ndzi ehleketa leswaku yaloye i wansati loyi a nga khongeleriwa, ntsena *lahaya*. A hi swona xana? Un’wana eka n’wina vanhu loyi a nga tshama a vona wansati loyi? Un’wana na un’wana loyi a tivaka wansati loyi? Yimisani mavoko ya n’wina. Xana swilo leswi hi swona? Yimisani mavoko ya n’wina, loko swi ri tano. Kona *lahaya*. Sweswo swi kahle.

³⁴⁶ Tana. Wa vulavula Xinghezi xana? [Makwerhu a ku, “Ina, nkulukumba.”—Muhleri.] Swi lulamile. Mukula? [“Mukula.”] Ndza ku xixima, Muamerika wa xiviri. [“Ina, nkulukumba.”] A ndzi ehleketa... Mina, ntsena tani hi munhu un’we, ndzi ngaka ndzi nga teki xiboho. Ndzi nga ha teka xiboho xa mina ndzi ri ndzexe. Ndzi ehleketa leswaku a wu kumi ntirhisano wa kahle. Wa switiva leswaku a ndzi tano. Ndzi ehleketa leswaku, ematshan’wini yo rhumela mamiliyon na mabiliyon ya tidolara, endzhandzheni wa malwandle, ti nga ha mihayisa

n'wina vanhu. Hi swona. Hi swona. Hi swona hakunene. Mbilu ya mina minkarhi hinkwayo yi fambela n'wina. A ndzi ri evuhlayiselweni a San Carlos, ku ngari khale ngopfu. Hilaha Moya lowo Kwetsima wu nga famba lahaya, wu hanyisa vanhu va vona va vusiwana!

³⁴⁷ Ndzi muluveri eka wena, nkulukumba. A ndzi ku tivi. A ndzi se tshama ndzi ku vona evuton'wini bya mina. Hi valuveri hi ku hetiseka. Hi swona sweswo. Hi vamatiko mambirhi. Ndzi wa Anglo-Saxon; wena i Mukula. Ndzi na ngati yi ntsongo leyi yi nga eka mina yo huma eka mana wa mina. Kokwani wa mina wa xisati a ri mu Cherokee. Ndza tinyungubyisa ha swona. Hi swona. Kambe tani hi makwerhu wa mina, ndzi ngaka ndzi nga endli nchumu hi ku ku vavisa. Ntsena ndzi nga ku pfuna.

³⁴⁸ Rixaka ra Makula, swi tollovekise xisweswo, loko vari na rin'wana exikarhini ka vona, lava va nga vhumbhaka va kombu laha ntlangu a wuri kona, u hundzuka muprefeta wa vona. Nakona a vari tano. Kambe loko a vhumbha swin'wana leswi swi ngariki ntiyiso, u fanele a fa ha swona. A nga ha fa. Hi swona. Va hava ku rheta eka vona.

³⁴⁹ Loko Xikwembu xi ri Xikwembu...Tiko swi nga ha endleka ri ku nyika ntirhisano lowu wu nga riki kahle, kambe Xikwembu a xi nge ku nyiki na wun'we. Xi rhumele N'wana wa Xona hikwalaho ka n'wina.

³⁵⁰ Ntsena ndzi vonile leswi swi nga humeleta. Ntsena u ta u huma exibendlhele. [Makwerhu a ku, "Hi swona sweswo."—Muhleri.] Ahaa. U te lahawani ku ta khongeleriwa. U karhatiwa hi khwiri, nakona a wu yile lahaya kuya endliwa vuhandzuri. ["Ina."] Sweswo hi LESWI HOSI YI SWI VULAKA. Tana haleno.

Tatana wa le Matilweni, ndzi avanyisela ku xaniseka loku ka khwiri.

³⁵¹ Sathana, u titumbete eka dokodela, kambe a wu nge titumbeti eka Xikwembu. Huma eka yena, hi Vito ra Yesu Kreste. Amen.

U nga ha vileli ha swona. Ti fambeli, u hanyile.

Wa pfumela xana? [Nhlenegetano yi ku, "Amen."—Muhleri.]

U pfuke njhani?

³⁵² Nhwana loyi a nga tshama *lahawani*, a nga eku khongeleni, loyi a nga endzhaku ka wansati loyi lontsongo a nga tshama emahlweni, a xanisekaka hi thundelo, wa pfumela leswaku Hosi Yesu u ta ku hanyisa xana, manana? [Sesi a ku, "Ndzi pfumela leswaku U swi endlile."—Muhleri.] Hi swona sweswo.

³⁵³ Ndzi byeleni leswaku u khumbhe Mani. U le ka mpfhuka wa tifiti ta makume mbirhi kusuka laha ndzi nga kona. U khumbhile Muprista Lonkulu, hi swona sweswo,

loyi a nga khumbhiwaka hi matitwele ya vugono bya hina. A mi swi pfumeli sweswo xana? [Nhlengeletano yi ku, "Amen."—Muhleri.]

³⁵⁴ Wa pfumela, manana? [Sesi a ku, "Ina."—Muhleri.] Wa pfumela leswaku Xikwembu xi ta ndzi byela leswi swi ku xanisaka? ["Ina, ndza pfumela."] A hi wena u xanisekaka. I sesi wa wena. ["Hi swona sweswo."] U na mfukuzani. ["Ina."] Hi swona sweswo. U nga...Pfumela. U nga kanakani. Teka xidukwana lexi u nga n'wi khomela xona, fika u n'wi tlhandleka xona. U pfumela hi mbilu ya wena hinkwayo. U ta huma eka byona. ["O Yesu!"] U ta pfumela hi mbilu ya wena hinkwayo. ["Ndza Ku khensa, Yesu."] Ti fambele. Ahaa.

³⁵⁵ Va na na ripfumelo. Wa pfumela hi mbilu hinkwayo ya wena xana? [Nhlengeletano yi ku, "Amen."—Muhleri.]

Ri suke eka platifomo. Ri ye eka vayingiseri.

³⁵⁶ Hi lontsongo, wansati wo lala a nga tshama endzhaku *lahaya*, loyi a nga na TB. A nga tshama endzhaku *lahaya*, a khongelaka. Wa pfumela leswaku Xikwembu xi ta ku hanyisa xana? Wa pfumela? Manana lontsongo loyi a nga languta hi ku kongoma, endzhaku halahaya endzhaku. Yimisa voko ra wena, endzhaku *lahaya*, manana, endzhaku ka wanuna yaloye a hundzulukaka. Pfumela hi mbilu hinkwayo ya wena. Ina. Lontsongo, wansati wo boba misisi. Hi swona. Hi swona sweswo. Swi pfumeli, nakona swi herile.

³⁵⁷ Xana u khumbhile yini, endzhaku halahaya endzhaku? Ndza mi tlhotlha leswaku mi swi pfumela.

³⁵⁸ Wena ke, manana? Wa pfumela leswaku ku karhatiwa hi nhlana ku ku sukerile, kusukela loko u tava u yimile lahawani? Kunene, kutani, ntsena yana emahlweni. Hi swona hinkwaswo leswi faneleke ku swi endla. [Sesi a ku, "Ndza Ku khensa, Yesu."—Muhleri.] Swi pfumeli hinkwaswo leswi swi nga eka wena.

³⁵⁹ Wa ha ri na swo fana. Swingaleswi loko ntsena u nga pfumela, ntsena tshamela ro macha, i ku, "Ndza Ku khensa, Hosi. Swi endli swi va kahle." Pfumela hi mbilu ya wena hinkwayo.

³⁶⁰ U chava leswaku u tava xilema hi vuvabyi bya mahlanganisi. A wu tano xana? Swingaleswi loko u pfumela, pfumela hi mbilu hinkwayo ya wena, famba. Pfumela hi mbilu ya wena hinkwayo, kutani u hola. Sweswo hi swona hinkwaswo leswi u fanelaka ku swi endla, i ku pfumela.

³⁶¹ Wa pfumela xana? [Nhlengeletano yi ku, "Amen."—Muhleri.] N'wina vanhu mi nga kwalano ke? Mi le ka ripfumelo xana, ma pfumela?

³⁶² Ku nga humelela yini loko ndzi nga ku byela leswaku Yesu u ku horisile, wena u nga yima *lahaya*, u ta swi pfumela

xana? [Sesi a ku, “Amen.”—Muhleri.] Ntsena sungula ku famba u ya emahlweni, wa vona, u pfumela hi mbilu hinkwayo ya wena.

³⁶³ U lava kuya ekaya, u ya dya swakudya swa wena swa ni madyambu? Wa pfumela leswaku ku chava ka khwiri ra wena ka khale ku sukile xana? Yana emahlweni, u dya loko u swilava. Pfumela.

Ma pfumela xana? [Nhlengeletano yi ku, “Amen.”—Muhleri.]

³⁶⁴ Wansati loyi a nga tshama lahaya yena ke, a khongeletaka lontsongo yaloye... N’wana yaloye u karhatiwa hi ngati? Wa pfumela leswaku Xikwembu xi ta hanyisa n’wana xana? Hi swona, u nga hava na yena.

³⁶⁵ Sweswo swi ba manana yaloye, loyi—loyi a nga ekusuhi na wena kwalaho. U tshamile lahaya a ri karhi a khongeletaka xiyimo xo rhurhumela, hi swona sweswo, loyi a nga ekusuhi na wena. Nakambe, u na makwavo wa xinuna loyi a karhatiwa hi ku hlangana nhloko. Hi swona sweswo. U na manana loyi tihlo ra yena ri nga riki kahle. Wena pfumela hi mbilu hinkwayo ya wena, Xikwembu xi tava hanyisa. Amen.

³⁶⁶ Ma N’wi pfumela xana? [Nhlengeletano yi ku, “Amen,” yi tlhela yi tsaka—Muhleri.]

³⁶⁷ Wena ke u nga lahwani, eka xitulu xa mavhilwa? Wa pfumela xana? I jaha ra wena ri nga tshama lahaya, leri ra ha ku vulaka kungari khale. I jaha ra wena. U na mfukuzani exikandzeni xa wena. U yingisela ku vava. U lava nkhuvulo wa Moya lowo Kwetsima. Hi swona sweswo. Loko u swi pfumela hi mbilu hinkwayo ya wena! U pfumela yena, jaha? Wa pfumela hi mbilu hinkwayo ya wena xana? N’wi byeleti endleveni ya yena. Tlhandleka mavoko ehenhla ka yena, kutani u n’wi pfumelela a amukela nkhuvulo wa Moya lowo Kwetsima.

³⁶⁸ Ma pfumela leswaku Yesu Kreste wa ha ri yena wa tolo, namunthla, ni hilaha ku nga heriki xana? [Nhlengeletano yi tsaka—Muhleri.]

³⁶⁹ Ma pfumela leswaku Mesiya, Mesiya lonkulu wa Xikwembu, u famba-famba exikarhi ka vanhu va Yena? [Nhlengeletano yi tsaka—Muhleri.]

³⁷⁰ Mi navela ku tshika hinkwaswo mi N’wi landza? [Nhlengeletano yi tsaka—Muhleri.] Loko mi ri tano, N’wi yimiseleni mavoko, kutani mi ku, “Ndzi ta N’wi landza. Ndzi ta N’wi landza. Ndzi ta N’wi pfumela. Rito rin’wana na rin’wana leri A ri vulaka, ndzi ta N’wi pfumela. Ndzi ta tiyisisa vutomi bya mina. Ndzi ta N’wi tirhela.” Xikwembu vana na tintswalo! Xikwembu a xi mi katekisi.

³⁷¹ I vangani va pfumelaka eka n’wina mi nga lahwani sweswi? Yimisani mavoko ya n’wina. [Nhlengeletano yi tsaka—Muhleri.]

³⁷² I vangani lava va lavaka kuva ekusuhi na Yena? Yimisani mavoko ya n'wina. [Nhlengeletano yi tsaka—Muhleri.] Hinkwavo lava va lavaka kuva ekusuhi na Yena niku N'wi amukela sweswi, U kona lahawani. Lebyi i Vukona bya Yena.

³⁷³ Wanuna yaloye a nga endzhaku lahaya a xanisekaka hi timhaka ta vununa, swi herile, makwerhu. Xikwembu xa ha ku ku hanyisa sweswi.

³⁷⁴ Hikokwalaho ka yini, ntsena Ri ya hinkwako hi ndlela yaleyo, eka Layiti yaleyo, yi endlaka xirhendzevutani hinkwako emuakwini. Swin'wana swi nga ha humelela sweswi. Hi nga ha hava na pentekosta yin'wana, loko ntsena mi nga swi pfumela. [Nhlengeletano yi tsaka—Muhleri.]

³⁷⁵ Yimani hi milenge ya n'wina, un'wana na un'wana wa n'wina. Yimiselani Xikwembu mavoko. Xi dzuniseni. [Nhlengeletano yi dzunisa hi matimba naku khongela—Muhleri.]

³⁷⁶ Ndza Ku khensa, Hosi Yesu. Ha Ku dzunisa, Tatana, hikuva U Muponisi wa hina na Xikwembu xa hina. U kona lahawani. U tiyisisile Rito. U Ri khorwisile leswaku Ri tano. U Xikwembu, Mesiya, lexi xi nga xona xa tolo, namuntlha, ni hilaha ku nga heriki. Lexi nga riki naku hluleka, lexi nga riki naku kanakana, Wa ha ri yena Hosi Yesu ya luya. A ku dzunisiwi Vito ra Yena lero kwetsima!

³⁷⁷ Ma N'wi rhandza xana? Mi nge, "Amen." [Nhlengeletano yi ku, "Amen," yi tlhela yi tsaka—Muhleri.]

³⁷⁸ I vangani va n'wina lava va nga vapfumeri sweswi? Yimisani mavoko ya n'wina. [Nhlengeletano yi ku, "Amen."—Muhleri.] Sweswi, Yesu u vule leswi, yena hi Yexe, "Masingita lawa ya ta landzela vona lava va pfumelaka. Loko va tlhandleka mavoko eka lava va vabyaka, va ta hola." A ndzo va ndzexe loyi a nga na Moya lowo Kwetsima. Mi na Wona, na n'wina. U mupfumeri, ntsena ku fana na mina ndzi nga mupfumeri. Sweswi tshika hinkwako ku kanakana ka wena.

³⁷⁹ Tlhandleka mavoko eka un'wana kutani u pfumela leswaku Xikwembu xi ta hanyisa munhu yaloye, kuya hi Rito ra Xona. Loko Xi nga hlayisa maendlelo lawa... U tlhandleka mavoko ya wena eka un'wana, u ya va khongeleta, i ku, "Hosi, hanyisa munhu yaloye." Khongela u tlhela u vona leswi swi humelelaka. I mupfumeri. [Nhlengeletano yi tsaka yi tlhela yi dzunisa—Muhleri.]

³⁸⁰ Xikwembu xa Matimba hinkwawo, hi Vito ra Yesu Kreste hi hlule javulosi. Hi n'wi tshinyile, ni ku handzula matimba ya yena ya suka eka yena. Hi timbangta Hosi Yesu Kreste hi hanyisiwile.

[Nhlengeletano yi ya emahlweni ni ku tsaka ni ku dzunisa—Muhleri.]



KU TSHIKA HINKWASWO TSO62-0123
(Forsaking All)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Wavumbirhi ni madyambu, Sunguti 23, 1962, a Sunnyslope Assembly Of God a Tempe, Arizona, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org